



Mag. St. Dr.
69013

69014 P



69013- 69011


1


Maria Mater gratia


113 Regumet kindyaktom neju


du

94









217

nie. lib. XII p. 148

for

Extr. VIII, 378

MEDULLA CRUCIS PERPETUÆ

Lectissimis suavissimis-
que ardentium affectuum fru-
ctibus redundans.

*Ex verè aureo doctissimi ac de-
votissimi Viri*

R. P. JUDOCI ANDRIES
è Soc. J E S U
CRUCIS PERPETUÆ

Opusculo excerpta.



Typis MONASTERII Olivensis
S. Ord. Cisterciensis

Imprimebat

Georgius Franciscus Fritsch,
Factor.

ANNO M. DC. LXXXII

RECEIVED

RECEIVED

1871

STUDY IN LITERATURE

23 - 271 1/2

231 5/12 12 1/2

ORIGES 1847



ILLUSTRISSIMO
Et
REVERENDISSIMO
DOMINO, DOMINO
BONAVENTURÆ
De Niedzielsko
MADALINSKI,
Episcopo Vladislaviensi
& Pomeraniæ.

*Domino & Patrono Cole-
disimo. F.*

PRima salutis nostræ
bellaria; quia Crucis Me-
dullam, TIBI adfero Il-
lustrissime ac Reverendisime

A 2

Anti-

Antistes. Si cujus etenim palato æquius sumptuosum hoc nostræ salutis debetur alimentum, certè Pontificio. Quibus nec in publicum aliter comparere licet, nisi eis Regium hoc Crucis præferatur opsonium; ne ullum vacet tempus, quo non eos hæc amaræ licet Crucis oblectet ambrosia. Hanc igitur & ego Tibi appono Antistitem dignissime, gustui futuram autumo: condimentum etenim illius est Divinissimus Servatoris Nostri Cruor, qui Medullam hanc, non resperfit tantum sed & imbuit copiosissim-

fiffime. Erit non ambigo
hæc quoque quam Pontificio
in Vladiffavienfem Cathedram
ingreffui Tuo prætero CRUX
non vanum augurium Archi-
Præfuleæ in brevi Crucis, cui
jam omine fortunato, non vo-
ta tantum noftra, fed repetita
magno Ecclefie emolumento
Præfuleæ Dignitatis Tuæ fa-
ftigia præluferunt. Vinces in
triumphali hoc Crucis figno
inimica fatorum tela, ac de-
mum poft lera fata fortuna-
tus Victor certam in Cruce fa-
lutem, utpotè Medullâ il-
lius paftus felicius, quàm o-
lim Achilles Leonum, Par-

A 3 do-

dorumque visceribus & medullis.

Illustrissimæ & Reverendissimæ Celsitudinis Tuæ

Servus obsequentissimus

Balthasar Alexander Gissa, Gnesnensis, Vladislaviensis, Varšaviensis Canonicus, Decanus Volboriensis, Officialis Generalis Vladislaviensis.



PRÆFATIO.



BENEVOLO
LECTORI.

IN parvo velut Nucis putamine,
ne, magnam heroicarum virtutum,
ardentiumq; recolendæ Passionis
Dominicæ affectuum, hic libellus
occulit Iliadem, MEDULLAM
CRUCIS PERPETUÆ intitulatam :
vel eò fructuosius à devotis ambiendam,
quò animæ delicatioris palato,
Divinam ingerit simul, atquè exsatiat
orexim. Nec omnibus enim, si-
ve per otium, sive per ignavæ

PRÆFATIO.

mentis torpedinem, durum & solidum spinosæ Crucis, fas est imbelli dente premere & mandere cibum; MEDULLA hæc est, & Succus vitæ, impingvans, & in robur boni profectus provehens, perfectumq; in CHRISTO reddens Virum, qui se in novam, imò Divinam assurrexisse vitam miretur. Proinde si tibi Passio Christi Salvatoris cordi est, in ea contemplanda brevi immorans, ignitas statim ardentium desideriorum, & piorum in ipsam affectuum concipies flammæ, quas argenteis lachrymarum rivulis sopies, imò accendes, dum totus in ignem

PRÆFATIO.

ignem resolvêris. Quid enim in animis hominum, etiam nescio quo gelido rigore contractis tam suavis ejus cogitatio non effecerit? Quid, vel simpliciter objecta mentibus efferis, Crucis horrida facies tam vecors non perdomuerit?


Aut quæ expeditior illa via fuerit, quæ amplexibus penduli è Crucis stipite Sponsi, gemebundam interserit Sponsam? Facto periculo res probatione non egebit. Quare hæc Medulla Affectus Crucis ab æterno electæ: ab Incarnatione, non in voto solo perpetuo, sed reipsâ habitæ, inq̃, Sacrificio Altaris perennantis

PRÆFATIO.

continebit. *Accedent his affectus perpetui Gladii Reginae Martyrum ; Omnium deniquè postremò Officium parvum, de septem doloribus ejusdem. Tu interim hâc pingvissimâ inescare Medullâ, & in benignissimo DEO optimè vale.*



PRO



PRO CRUCE AB
ÆTERNO ELECTA
Affectus Varii.

I. *Erga Deum* P A T R E M.



Eu nostra vecordia, !
Parentis inquam nostri, in cujus
arbitrio omnia nostra erant
constituta, ordini, directionique
misericordiae Tuae nos subtraximus, & à te a-
versi in exitium sempiternum præcipitavimus!
Nihil supererat opis, nihil subsidii ab ulla na-
tura creata; quia à nulla iustitiae tuae condi-
gna satisfactio pro crimine nostro poterat re-
præsentari. Actum prorsus videbatur de ge-
nere nostro, nec ulla spes salutis in posterum
supersse: Cùm ecce tu DEUS meus, miseri-
cordia mea, nostram perditionem miseratus
succurristi; sed admirando planè, & inaudito

consilio, omnibusque sæculis obstupescendo; nimirum ut Filius tuus, tibi consubstantialis & coeternus, nostram naturam assumeret, & homo passibilis, similis nobis effectus, Divinae Justitiæ nostro nomine, suis cruciatibus, suâque morte satisfaceret. O quàm indebita miseratione, quàm gratuita, & probata dilectio, quàm inopinata dignatio! quàm stupenda dulcedo. Regem gloriæ pro vilissimis mancipiis, iisque suis inimicis assumere formam servi; tot suscipere labores & dolores: ipsam denique Crucem sustinere ac mortem? Quis unquam parens simile quid fecit pro liberando filio, aut filius pro parente, aut amicus pro amico, quale fecit DEUS pro homine, Creator pro Creatura, suprema Majestas pro vermiculo?

2. *Erga eundem PATREM.*

PATER misericordiarum, & DEUS totius consolationis, quas tibi referemus gratiarum actiones, & quibus obsequiis infinitæ charitati, & misericordiæ tuæ respondebimus? Sic enim cum adhuc inimici, & perditii essemus, nos dilexisti, ut Filium tuum Unigenitum, carnem nostram assumere, & Fratrem nostrum fieri volueris; ut in ea nobiscum versans, tenebras nostras discuteret; viam salutis ostenderet; omnium virtutum exempla præberet, Divinae Justitiæ pro nobis satisfaceret, sanguine suo nos ablueret,

ablueret, & suo Spiritu nobis communicato, Filios tuos, & hæredes regni tui, suosq; cohæredes efficeret. Magnum pietatis Sacramentum, quod in carne apparere fecisti; Admirabile opus misericordiæ, quod nostrâ causâ perpetrâsti! Tantâne res erat salus nostra, ut eam tanti æstimares, & perditam tantis impendiis sarcires? Tam pretiosæ in oculis tuis erant animæ nostræ, ut eis redimendis tantum destinares pretium?

3. *Erga DEUM FILIUM.*

IN misericordia sempiterna misertus sum tui; Redemptor meus Domine. Sed quantâ, vel quali? Tantâ, quæ sæculis respondeat infinitis; tali, ut cùm nutu Divino, vel unico potuisses nobis parcere, non corruptibilibus auro vel argento, redempti sumus; sed tui ipsius pretioso sanguine, quasi Agni immaculati occisi ab origine mundi.

Vicisti Domine misericordiâ tuâ omnia exempla antiqua & nova; Vicisti omnia ingenia, & omnem expectationem, omnium rerum creaturarum; Vicisti amoris miracula universa! Adeone diligens me, tradidisti temetipsum pro me, ne perennibus traderer flammis? Ergo non diligam te, sed tradam me concupiscentiis meis, vel his N. vel illis N? Tradam me juratis hostibus tuis illis N. vel illis N? Tradam me in-

faniis

Saniis falsis ? Tradam me incendiis sempiternis ?

Meliora DEUS meus, meliora ! Potius tradam me tibi, vel nunc, ut disponas de me in tempore, & æternitate, ut cantem miserationes tuas stupendas, & magnas in æternum, & ultra.

4. *Erga eundem FILIUM.*

Ludebam ego foris in platea, in secreto Regalis cubiculi super me ferebatur iudicium mortis. Audivit hoc unigenitus ejus : Exiit posito diademate, sacco vestitus, sparsus cinere caput, nudus pedes, flens & ejulans, quod morte damnatus esset servulus ejus. Intueor illum subito procedentem, stupeo novitatem, causam percunctor, & audio. Quid facturus sum ? Adhucne ludam, & deludam lachrymas ejus ? Planè si infanus sum, mentis inops, non sequar eum, nec simul cum lugente lugebo ? Ecce unde pudor !

Ecce mittitur Virginis Filius, Filius DEI Altissimi, & jubetur occidi ; ut vulneribus meis pretioso sanguinis balsamo medeatur. Verùm si diligenter observem præcepta medici, erit etiam consolationis occasio. Sicut enim gravem agnosco morbum, cui tanta apponitur medicina, sic ex hoc ipso non incurabilem esse conjecto. Neque enim pretiosissimas species frustra insumeret medicus sapiens, imò

Sapien-

Sapientia ipsa : Porro frustra insumi constat, non solum si absque eis facilis esset curatio : Sed multo magis, si & cum eis sit impossibilis. Animat itaque ad poenitentiam, & accendit vehementius desiderium, spes concepta.

Sana me itaque mi Domine, & sanabor : Salvum me fac, & salvus ero. Non pereat in æternum anima illa, ab æterno sic dilecta ; in tempore sic redempta, sed respiret illa, ac vivat in miserationibus tuis multis, & magnis nimis.

5. *Erga SPIRITUM Sanctum.*

EXaudi, exaudi, exaudi me DEUS meus, Domine meus, Rex meus, Pater meus, causa mea, spes mea, res mea, honor meus, domus mea, patria mea, salus mea, lux mea, Vita mea ! Exaudi, exaudi, exaudi me more illo tuo paucis notissimo. Jam te solum amo, te solum sequor, te solum quero, tibi soli servire paratus sum ; quia tu solus justè dominaris, tui juris esse cupio. Jube quæso, atque impera quidquid vis, sed sana, & aperi aures meas, quibus voces tuas audiam. Sana & aperi oculos meos, quibus nutus tuos videam, Expelle à me infaniam, ut recognoscam te. Dic mihi, quà attendam, ut aspiciam te, & omnia me spero, quæ jusseris, esse facturum.

Recipe quæso fugitivum tuum Domine clementis-

mentissime Pater : Jam jam satis poenas dede-
rim, satis inimicis tuis, quos sub pedibus habes,
servierim : satis fuerim fallaciarum ludibrium.
Accipe me ab istis fugientem famulum tuum ;
quia & ista me quando à te fugiebam, acceperunt alienum.

Ad te mihi redeundum esse sentio ; pateat
mihi pulsanti janua tua ; quomodo ad te per-
veniat, doce me. Nihil aliud habeo quàm
voluntatem : nihil aliud scio, nisi fluxa, & ca-
duca spernenda esse, certa & æterna requirenda.
Hoc facio Pater, quia hoc solùm novi : Sed un-
de ad te perveniat, ignoro. Tu mihi suggere,
tu ostende, tu viaticum præbe. Si fide te inve-
niunt, qui ad te refugiunt, fidem da ; si virtu-
te, virtutem : si scientiâ, scientiam. Auge in
me fidem, auge spem, auge charitatem, O ad-
miranda & singularis bonitas tua !

6. *Erga eundem S. SPIRITUM.*

PRæ cæteris nos dilexisti, & divitias bonitatis
tuæ copiosius in nos effudisti. Nimirum hoc
est benignitatis ingeniû, demittere se ad infima,
curare infirma, colligere abjecta, attollere hu-
milia, & ubi major est inopia, ibi magis suas opes
erogare, & opem ferre. Verè tu es amor omni-
potens, benevolentissima virtus, lumen æter-
num, incommutabilis ratio, æterna dulcedo,
creans mentem ad te participandum ; vivifi-
cans

cans ad sentiendum; afficiens ad appetendum; dilatans ad cupiendum; justificans ad promerendum; accendens ad zelum; facundans ad fructum, dirigens ad æquitatem, formans ad benevolentiam: moderans ad sapientiam, roborans ad virtutem, visitans ad consolationem, illuminans ad cognitionem, perpetuans ad immortalitatem, implens ad felicitatem, circumdans ad securitatem.

Sic nos coronas in misericordia, & miserationibus, sic undique beneficiis tuis imple & cingis, ut nobis benignitatem & amorem tuum declares, & ad vicissim amandum, excites. Hunc mille modis in nobis accendis, de ejus ardore in te colliqueſcamus, & absorbeamur, sicut aquæ gutta in vini dolium immiſſa, in vinum convertitur, si colorem & saporem spectes. Amor enim facit amantem affectu, & sensu à se deficere, & in dilectum mutari. Ita enim amantem erga dilectum afficit, ut quantum in se est, vi affectûs suum esse exuat, ut induat dilectum, unumque cum illo evadat. Nihil ampliùs de se, suisque commodis cogitat, non secùs ac si jam in rerum natura esse desiſſet: sed totus cogitatione, & affectu est in dilecto, ejusque duntaxat bona cogitat, desiderat, & procurat.

Sic amor facit hominem oblivisci sui, à se deficere, sibi mori, & vivere in dilecto. Hoc modo

modo qui adhæret Deo, unus spiritus cum eo efficitur. Hæc est perfectio & consummatio Sanctorum, & vita æterna, unum cum DEO per vim amoris effici.

7. *Erga Sanctissimam TRINITATEM.*

Benedicta sit Sancta Trinitas, atque indivisa Unitas, confitebimur ei, quia fecit nobiscum misericordiam suam. Siccine ò bonitas infinita, in charitate perpetua dilexisti me, & ideò attraxisti me miserans mei? Utinam fuisset ab æterno, & ab æterno te amâssem amore Seraphico! Utinam nunc saltem amem te! sed amem ex toto corde, amem ex tota anima, amem ex omnibus viribus meis, ò Pater, ò Fili, ò Spiritus Sancte, ò Beata Trinitas! Absorbeat ò DEUS meus mentem meam ab omnibus quæ sub cœlo sunt ignita, & melliflua vis amoris tui, ut tibi soli inhæream, solâque tuæ suavitatis memoriâ pascar! O vita! per quam vivo, sine qua morior, ubi quæso es? ubi te inveniam? propè esto in animo, propè in corde, propè in ore, propè in auribus, propè in auxilio, quia amore langueo, quia sine te morior, & moriens ingemino. Benedictus sit Pater, Unigenitusque Dei Filius, Sanctus quoque Spiritus, quia fecit nobiscum misericordiam suam.

8. *Erga eandem Sanctissimam
Trinitatem.*

Benedicimus Deum cœli & coram omnibus
viventibus confitebimur ei, quia fecit no-
biscum misericordiam tuam! Tibi laus, tibi
gloria, tibi gratiarum actio in sæcula sempiterna
ò Beata Trinitas! Sed nunquid lauda-
bit te, & benedicet te Domine, qui in pecca-
tis conceptus & natus, & nutritus est? non est
enim speciosa laus in ore peccatoris. Laudet
te igitur DEUS meus incomprehensa po-
tentia tua, incircumscripta sapientia tua, in-
effabilis bonitas tua. Laus tua Domine tu
ipse es, charitas Pater es, gratia Filius, com-
municatio Spiritus Sanctus, ò Beata Trinitas,
Laudet te etiam anima mea, sed conversa.
Amplius converte me Domine, & convertar;
trahe me miserans mei, trahe hanc rebellem
voluntatem, trahe post te; trahe me in funi-
culis charitatis tuæ, ut amore omni alieno, &
omni amore proprio generosè superato, te
unum unicè amem, ò indivisa Unitas, ò Bea-
ta Trinitas!

PRO

PRO CRUCE PERPETUA

*Ab Incarnatione in Voto, & re-
ipsa habita. Affectus varii,
ad Christum.*

Affectus Primus.

O Mirum Christi amorem, qui à primo In-
carnationis instanti, in tenello corde cæ-
pit incendi ! Insiliens amor ille in cor illud
flammarum capacissimum , tale excitavit in-
cendium, ut ad omnes quaquaversum ætates
suum explicaret ardorem. Apparuit jam tum
Dominus in flamma ignis de medio rubi , de
medio spinarum, de medio Crucis. Vadam &
videbo visionem hanc magnam, visionem o-
mnibus præteritis, atque venturis sæculis stu-
pescendam. Amor Christi mei ardet in rubo
& cruce ista, tantâ conflagratione ; ut para-
tissimus fuerit ab orbis ortu, ad orbis occasum
istis spinis compungi, in ista cruce extendi
pro me ac fratribus meis ?

Adeone ô Deus Patrum meorum stas in ru-
bo doloris, stas in igne amoris istius, ut liberares
me de terra Ægypti , de jugo Pharaonis, de
servitute Dæmonis, de vinculis peccatorum ?
Benedicant te Domine omnes miserationes
tuæ,

tuæ, & ad te, sed nobis comitantibus, revertatur amoris incendium. Vivam ego ut Salamandra in isto igne divino, & cum tribus pueris in Babylonica fornace cantantibus, accinam quoad vivam: Benedicite omnia opera Domini Domino, laudate & superexaltate eum in sæcula.

Affectus Secundus.

O Christe, nunquid non tuus amor est, qui Christianos trahit extra se, qui reddit attentos, cum primum tui cordis secreta illis aperis, expeririq; concedis, adeò miranda mysteria? Hinc illa nimirum viscerum liquefactio, quâ cordis ima Divino amore inflammantur. Hinc martyriorum desideria; hinc læticia in adversis, hinc refrigeria craticulæ; hinc inambulationes in ardentissimis prunis, cum ea voluptate, quæ perciperetur ex rosis; hinc cupiditas tormentorum, perinde ac epularum, gaudere de iis rebus, quas respuit mundus, eas amplecti quas idem horret. *Mens*, (ajebat S. Ambrosius) quæ Christo *IESU* feliciter nupsit quæque ei in Crucis thalamo libens, volensque conjuncta est, nihil tam gloriosum existimat, quàm ut Crucifixi sui, injurias secum ferat.

Actus Tertius Amoris.

Quia ratione, ò mi amantissime amator
compensabo ego illum tuum amorem?
Illa

Illa vera ac sola compensatio est, cùm sanguis
 sanguine solvitur. Dulcissime Domine agno-
 sco hoc debitum, agnosco: ne quæso permit-
 tas me unquam ab eo exsolvi; jube potius me
 isto sanguine tuo delibutum, confixumq; clavis
 ex ista Cruce pendere. O Crux recipe me sinu
 ac complexu tuo, recipe corpus meum, & di-
 mitte corpus Domini mei. Dilatare corona,
 ut inter istas spinas, caput quoque meum in-
 feram. Dimittite clavi istas innocentissimas
 manus, configite cor meum, illudque compas-
 sione & amore vulnerate. Ob hanc causam
 Apostolus tuus scribit mortuum te esse, ut in
 vivos, & mortuos imperium obtineres, non
 minis & pœnis, sed amoris operibus. Refer
 me in numerum, siue malorum malis, siue mor-
 tuorum; & agnoscam me captivum sub tui
 amoris dominio.

Affectus Quartus Amoris.

O Quàm mirabili pugnandi genere pugnâ-
 sti Domine, ut habemus in Prophetis! Non
 enim eluvione iterum, aut igne cœlesti, sed
 pacis, amorisq; illecebris in tuam potestatem
 humana corda redeigisti: non occidens, sed
 occisus; non alienum, sed proprium è Cruce
 cruorem, largè abundanterque profundens.
 O miram, o novam, veritatem, quòd ante è
 cœlis, ubi tibi ministrant Angeli, non fecisti:
 Pere-

Peregisti post in Cruce latronibus associatus. O cordium expugnator, diripe, quaso cor meum, Tu, qui violens, festinusq; prædator habebis. Quod tandem ferrum ita acutum erit, quis arcus adeò fortis ac contentus, qui possit verum adamantem penetrare, ac rumpere? Tu cordium nostrorum duritiem effregisti: Tu mundum universum amore tuo inflammasti, quod tu ipse per Prophetam pollicitus eras: *Ignem zeli, & amoris mei devorabitur omnis terra.* Sophon. 3. Et in Evangelio idem ait: *Ignem veni mittere in terram, & quid volo nisi ut accendatur.* Luc. 12. Hoc idem agnovit Vates ille qui dixit: *Utinam dirumperes cælos, & descenderes, aquæ arderent igne.* Isai. 64. O dulcem amorem! O suavem flammam quæ sic incendis pectora glacie ipsâ rigidiora, & in amorem convertis! Hic est præcipuus scopus adventûs tui ut mundum amore compleres.

Affectus Quintus Amoris.

O Crucifixe amor meus, Tua non modò crux, sed ipsa corporis species, atque positio nos ad amorem vocat. Inclinas caput, ut peccatores, quantumlibet ab illis injuriâ affectus, osculeris: distendis brachia, ut amplectaris: ostendis trajectas manus, ut bona omnia largiaris: apertum pectus, ut intra viscera abscondas: confixos pedes, ut nos o-
peria-

periaris, atque ut nullo unquam tempore à nobis recedas. Quamobrem cum te Domine, in Cruce contemplor, quidquid meis se objicit oculis, ad amandum invitat Lignum, species, mysterium, vulnera tui corporis, sed inprimis amor interior clamat, ut amem: nec unquam ex memoria excidat amor tuus. Si oblitus fuero tui ò bone JESU, oblivioni detur dextera mea: Adhæreat lingua mea faucibus meis, si non meminero tui, etsi non proposuerò te in principio lætitiæ meæ. Pendens semper ante oculos meos ò vita mea, obverseris semper menti meæ ò amor meus; ad te semper suspirem ò desiderium; ad te semper confugiam ò asylum meum; semper advolvam pedibus tuis ò mi DEUS: semper exosculer manus tuas ò mi Domine; semper involem in amplexus tuos ò mi sponse; & immorer amori tuo, & iminoriar!

Mysteria CRUCIS Perpetuæ, ab initio Nativitatis, usque ad sepulchrum, cum suis affectibus, piisq; desideriis.

I. AB ÆTERNO CRUX ELECTA.

IN misericordia sempiterna misertus sum tui
dixit Redemptor tuus Dominus. Isaïæ 54.

Typus.

Crucis perpetua.

15

Typus. Agnus.

Qui occisus est ab origine mundi.

Apoc. 13.

Prototypon.

AB æterno promptum exhibuit
se Servator noster, ut in tem-
pore pro nobis in Cruce more-
retur.

Affectus.

O Abyssus bonitatis, tantæne res erat salus
peccatricis animæ meæ, ut ei expiandæ,
tantum sacrificium ab æterno destinares?
adeone non taurorum, aut vitulorum sanguine:
non corruptibilibus auro vel argento redem-
ptus sum, sed tui ipsius pretioso sanguine,
quasi Agni immaculati, de quo mihi toties di-
citur: Ecce Agnus Dei, ecce qui tollit peccata
mundi: qui jam quotidie in ara Eucharistica
immolatur? Amabilissimam hanc charitatem tu-
am, ò mi Jesu admiror, & veneror: æstimo, & lau-
do, magnifico, & benedico quantum possum:
neq; possum quantum volo: neque velle valeo,
quantum debeo. Quid igitur? Quoties respi-
ro,

ro, toties suspiro, atque desidero totis medullis
 cordium amare te: amare te cordibus omnium
 hominum, & Angelorum: ac die noctuque
 clamare cum omni Creatura quæ in cælo est,
 & in terra: Dignus est agnus, quem in Vene-
 rabili arca præsentem credo, & adoro: Dignus
 est Agnus, accipere virtutem & Divinitatem,
 & sapientiam, & fortitudinem, & honorem,
 & gloriam, & benedictionem. Amen.

2. INCARNATIO.

INGrediens mundum dixit: *Ho-*
stiam & oblationem non voluisti: corpus
autem adaptasti mihi. Hebr. 10.

Typus. Samson.

ERit puer Nazareus Dei ab infan-
 tia sua, ex utero matris sue, usque
 ad diem mortis sue. Judic. 13.

Prototypon.

A Primo usque ad supremum
 vitæ diem, loco veterum vi-
 ctimarum, Christus nova fuit
 oblatio.

Affe-

Affectus.

Firmissimâ fide credo, ô Pater æternè, veter^a
Sacrificia, neque ex parte offerentis, te pe-
nitùs placare; neque ex parte rei oblatae tibi
placere potuisse. Unde Unigenitus tuus, in
quo tibi benè complacitum est, sese in novam
victimam, pro peccatis nostris offerens, cum
flagranti desiderio subeundæ Crucis descen-
dit de cœlis, ac jam tum dixit: Ecce venio.
Jam tum paratus eras, ô amantissime JESU,
amore amoris mei, in manus hostium venire,
vinculis constringi, opprobriis lacessiri, flagris
concidi, spinis coronari, ad mortem rapi, cla-
vis in Cruce configi. Etiam nunc tibi in Al-
tari Eucharistico, quasi recens incarnato, mens
eadem, idem studium, idem ardor, si necesse
foret, mei amore mori. O amor meus, quid
retribuam tam stupendo affectui tuo? Volun-
tariè sacrificabo tibi, hostiam laudis, & obse-
quii in hoc N. & illo N. ex toto corde meo,
affectuque omnium creaturarum, quæ un-
quàm fuerunt, sunt, & erunt. Omni momen-
to expeditus, dicam tecum: Ecce venio. Amen.

3. NATIVITAS.

Parvulus natus est nobis: Factus
est principatus super humerum
ejus, Isai. 9.

Typus. Moyles infans.

*Sumpsit fiscellam scirpeam, & lini-
vit eam bitumine, posuitq; intus
infantulum, & exposuit eum in ca-
recto ripa fluminis. Exodi. 2.*

Prototypon.

CHRISTUS ærumnis objectus, na-
tus in stabulo, fasciis involu-
tus, in præsepio reclinatus.

Affectus.

POSITO diademate, ac sceptro divinitatis Uni-
genitus Dei ante sæcula genitus, pro homi-
ne sis filius hominis, in tempore nasceris, in
stabulo reclinaris? Quod natura hîc non ha-
bet, usus nescit, ignorat ratio, mens non ca-
pit, pavet cœlum, stupet terra, hoc ego credo,
hoc adoro, hoc glorifico, hoc confiteor, hoc
amplector. O Divinitas tremenda! ò Huma-
nitas amanda! ò DEUS! ò homo! ibi magnus
in cœlis es! & hîc parvus in terris es! ibi regis
sydera, hîc fugis ubera: ibi tonans in nubibus,
hîc vagis in pannis, ibi sedes inter Angelos
hîc jaces inter bestias: ibi dives in throno, hîc
pauper

pauper in foeno : Cæterùm quàm ibi olim præ-
sens in stabulo, tam hîc in templo : quàm cer-
tò ibi in brachiis S. Joseph, tam hîc in mani-
bus Sacerdotis: quàm ibi verè materno exce-
ptus es gremio, tam hîc ore, lingvâque fide-
lium ; ò si pari reverentia & amore ! Utrumq̃;
hoc imitari pro viribus conabor, ope tua fre-
tus, ò Virgo Mater. Amen.

4. CIRCUMCISIO.

*Consummati sunt dies octo, ut
circumcideretur puer. Luc. 2.*

Typus. Sephoræ Filius.

*Tullit Sephora acutissimam pe-
tram, & circumcidit filium suum
& ait marito : Sponsus sanguinum
tu mihi es. Exodi 4.*

Prototypon.

*Octiduo à Nativitate sua cir-
cumciscus est parvulus JESUS.*

B 3

Affe-

Affectus.

ANignoro, unde sit mihi excitandus dolor, & timor unde? utique ex consideratione remedii, periculi mei æstimo gravitatem. Sannus mihi videbar, & ecce mittitur Filius Dei altissimi, & pro me jubetur jam circumcidi, & postea occidi, ut vulneribus meis pretioso sanguinis balsamo mederetur. Agnosce, ò anima mea, quàm gravia sint vulnera, pro quibus necesse est, hunc Divinum infantulum vulnerari. Si non essent hæc ad mortem, & mortem sempiternam, nunquam pro eorum remedio Dei Filius jam circumcideretur, & postea moreretur. Quid ad hæc ò anima mea? Parce ò Domine, parce serio pœnitentis, in cuius rei argumentum circumcidere deinceps ilatuo quidquid meum est: intellectum ne nimium sapiat: voluntatem ne illicita cupiat: memoriam, ne noxia reminiscatur: oculos ne vana videant: aures, ne prava percipiant: linguam, ne perversa loquatur: totum corpus, ne minus decenti voluptate capiatur. Ita fiat, mi optime JESU: idq; obtestor per illum ipsum cruorem, quem tum sudisti, quiq; reliquo conjunctus sanguini, in sacris nostris Altaribus adest, Amen.

OBLATIO IN TEMPLO.

Tulerunt eum in Ierusalem, ut sifterent eum Domino. Luc. 2.

Typus. Samuel.

Adduxit eum ad Domum Domini in Silo. Puer autem erat adhuc infantulus: & immolaverunt vitulum, & obtulerunt puerum Heli. I. Reg. 1.

Prototypon.

Infans Iesus per manus parentum suorum in templo oblatus est,

Affectus.

Quam Sancta, quam nobilis hæc oblatio ! Si considero offerentem, est iustus Simeon, est Virgo Mater, est ipsemet Christus. Si contemplor oblatum, offertur Prophetæ vita in pace finienda: offertur cor Virginis in qua plenitudo

nitudo gratiarum : offertur cor Christi, in quo omnes Thesauri Divinitatis inclusi. Si attendo affectum, magnus est Simeonis, major MARIÆ, maximus JESU. Si finem intueor, est omnium mortalium salus. Quàm sancta, quàm nobilis hæc oblatio ! Quid interalego ? in simplicitate cordis mei lætus offero universa, & sic universa, ut ne pilum unum, vel ungulam hujus victimæ sibi Dæmon, mundus, caro, retineat. Dispone de me DEUS meus, de bonis fortunæ ; corporis, & animæ, dispone de me toto, & in tempore, & in æternitate. Offero hoc meum holocaustum in unionem oblationis, quam in primo in orbem introitu ; primoque in templum ingressu : deinde per omnem vitam : denique in ultima cœna, ac monte Calvariæ obtulisti, & etiamnum in sacrosancto Missæ sacrificio offers. Custodi hanc voluntatem meam DEUS meus, quam quotidie tecum custodire decerno. Amen.

6. FUGA IN ÆGYPTUM.

Surge, & accipe puerum, & matrem ejus, & fuge in Ægyptum.
Matth. 2.

Typus

Typus. Abram.

Descendit Abram in Ægyptum,
ut peregrinaretur ibi. Gen. 12.

Prototypon.

UT subduceret se gladio furen-
tis Herodis, Joseph cum Ma-
tre, ejusque filiolo secessit in Æ-
gyptum.

Affectus.

Non tantum olim in Bethleemo, sed nunc u-
bique gentium furor, gladius, cædes, fuga,
gemitus, comploratio. Quid dicam ò magne
exercituum Deus? Peccati poenam sentimus,
& peccandi consuetudinem non mutamus. Vita
in dolore suspirat, & in opere non se emendat. Si
expectas, non corrigimur: si vindicas, murmu-
ramus. Si extenderis manum, facienda pro-
mittimus; si suspenderis gladium, promissa
non facimus. Si feris, clamamus, ut parcas;
si parcis, provocamus ut ferias. Habes Domine
confitentes reos. Gravius est quod commissi-
mus; levius quod toleramus. Justus es Domi-

ne, & rectum iudicium tuum ! Verùm, quia posuisti divinam mensam adversus eos qui tribulant nos ; & nosti, quid sit persecutio, gladius, fuga, dolor, & lachrymæ, ad te clamamus gementes, & flentes, & millies cum tota Ecclesia iteramus, dum bella premunt hostilia, da robur, fer auxilium : idemque auxilium præsta, ut quisque peccata, bellorum causas, & ego hæc N. N. mea devitem, Amen

7. AMISSIO PUERI DUODENNIS.

Ecce Pater tuus, & ego, dolentes, quærebamus te. Luc. 2.

Typus. Tobias Junior.

Cæperunt ambo simul flere, eò quòd die statuto, minimè reverteretur filius eorum ad eos. Tob. 10.

Prototypon.

Admodum sollicitè & dolenter fuit

fuit quæsitus à parentibus puer
duodennis, dum esset amissus.

Affectus.

Quamdiu gemens clamabo, ubi es D E U S
meus! Te quæro foris, & intus, & sursum, &
deorsum, nec usquam invenio, qui tamen ubiq;
es. Siquidem tenes omnia, imples omnia, com-
plecteris omnia, superexcedis omnia, sustines o-
mnia Undique omnia circumplectendo imples,
implendo circumplecteris; sustinendo superex-
cedis, superexcedendo sustines: sursum regens,
deorsum sustinens, extra circumdans, interiùs
penetrans. Nihilominùs te mihi præsentem
quæro: apud me stantem insequor: me intuen-
ti dico, cur avertis faciem tuam à me? Quæ
monstra sunt ista? verùm non ago de præsen-
te omnibus substantiâ tuâ, sed de propriâ mihi
gratia tuâ, de auxilio tuo: de affectu tuo, de am-
plexu tuo: quem sæpè expertus sum, præ-
sertim cùm te reperi in templo & altari isto,
& iterum spero reperiam. Tunc dicam ex to-
tis præcordiis meis, jam quem quæsi teneo,
non dimittam, propter ista N. Vel illa solatiola
humana, non dimittam. Amen.

8. LABOR FABRILIS.

Nonne hic est faber Mariae filius?
Mar. 6.

Typus.

Typus. Jacob.

Per viginti annos in domo tua servivit tibi. Gen. 31.

Prototypon.

CHristus annis multis, vulgaris instar opificis, fabrilibus muniis, & domesticis functionibus operam impendit.

Affectus.

Filii primi Adæ, cui dictum fuit, in sudore vultus tui vesceris pane tuo: filii Adæ quid statis totâ die otiosi? quid tempus vestrum nugando, ludendo, epulando (non audeo dicere plura) consumitis? Respondetis, ita vos vivere, ut transeat tempus. Itane verò ut transeat tempus, quod vobis ad salvandam animam: ad agendam poenitentiam, ad obtinendam veniam: ad acquirendam gratiam, ad gloriam promerendam, miseratio Conditoris indulget? Filii secundi Adæ, quid statis totâ die otiosi? cum ille Filius Dei altissimi, ille qui fabricatus est auroram, & solem, ille tantus, ac talis fabrilis obire triginta propè annos expleverit? O mi Domine

Domine, qui etiamnum ubique operaris mira,
& magna, non tantum transmutando panem,
vinumque in Corpus & Sangvinem tuum : sed
ingentia dona, per idem Sacramentum anima-
bus fidelium conferenda mihi quod maxi-
me volo, optoque operari, non cibum qui pe-
rit, sed qui permanet in vitam æternam, ope-
rari salutem meam in isto N. vel isto N. Amen.

9. MORS S. JOSEPH.

ADfuit morienti JESUS & MA-
RIA. *Teste S. Bernardino Senen.*
rom. 3. art. 2. cap. 3.

Typus. Joseph.

Mortuus est ; & conditus aro-
matibus, repositus est in loculo
in Ægypto. Gen. 47.

Prototypon.

UT Patriarcha Joseph in con-
spectu fratrum suorum quos
aluerat, vitâ functus est ; ita S. Jo-
sephus,

sephus, præsentibus JEsu & Maria quos suo labore nutriêrat.

Affectus.

EXtremum vale, inquit S. Josephus, ò benedicta inter mulieres Sponsa mea dilectissima, cujus castissimis amoribus semper arsit cor meum, & nunc iisdem liquefunt intima viscera animæ meæ.

Extremè vale, ò benedicte Domini: ò amantissime fili mi JEsu, decore nimis, & amabilis super amorem hominum, & Angelorum. Sicut mater amat unicum filium suum; ita ego te dilexi, cujus suavissimo conspectu semper satiatus fui, ampliusque satiabor cum apparuerit gloria. O me nimium felicem, quòd mihi tot annis datum inter duo hæc Divini amoris incendia flagrare; & jam spero dabitur conflagrare. O si moriatur anima mea morte justius, & fiant novissima mea hujus similia! O Maria Sponsa S. Josephi adsis & mihi in hora mortis meæ! O JEsu alumne S. Josephi, dum in extremo vitæ meæ dignaberis è Templo venire ad me, & sacro viatico munire me, ne permittas me separari à te: in hora mortis meæ voca me, ut amem te in sæcula sæculorum. Amen.

10. TENTATIO DIABOLI.

Accedens tentator dixit ei : Si filius Dei es : dic ut lapides isti panes fiant. Matth. 4.

Typus. Job.

Dixit ergò Dominus ad Satan :
Ecce in manu tua est. Job. 2.

Prototypon.

Ductus est Dominus à spiritu,
ut tentaretur à Diabolo.

Affectus.

Clementissime mi Jesu, qui Diabolum ad te accedentem non rejecisti : me licet conspectu tuo indignissimum sub aspectum tuum venire permitte. Ausus est ille nequiter dicere : Si filius Dei es, dic ut lapides isti panes fiant : in simplicitate cordis mei audeo ego dicere ; cum filius Dei sis, dic ut panes isti, quos in Sacerdotum manibus intueor , divinissimum corpus tuum fiant. Quia semel cæpi, loquar ad Dominum cum sim pulvis & cinis. Cum per verba mi-

ba ministrorum tuorum, tua virtute divinitus operante, confectum esse certissime credam, beatissimum corpus tuum, animâ, & divinitate comitantibus: Tu loquere Domine, & dic animæ meæ: Salus tua ego sum. Ego verò quoties te accedam, ingenti fiducia dicam: Anima Christi, sanctifica me: Sanguis Christi inebria me: Aqua lateris Christi lava me! Passio Christi conforta me: ò bone Jesu exaudi me: intra vulnera tua absconde me, ab hoste maligno defende me. Amen.

II. FATIGATIO AD FONTEM.

Jesus ergò fatigatus ex itinere, sedebat sic super fontem. Joann. 4.

Typus. Eliezer.

Pauxillum aquæ mihi ad bibendum præbe de hydria tua. Gen. 24.

Prototypon.

Christus defatigatus aliquid aquæ ad bibendum petit à muliere Samaritana.

affe-

Affectus

Obstupescite cœli super hoc, & portæ ejus desolamini vehementer! Duo enim mala fecit anima mea: Te DEum dereliquit fontem aquæ vivæ, & fodit sibi cisternas, cisternas dissipatas, quæ continere non valent aquas. Hei mihi! quàm dissipui in sectandis his N. vel illis N. mundi bonis! siquidem in te possideo bona vera, cùm alia bona cuncta sint falsæ: bona pura, cùm alia, sint felle permixta: bona ad manum parata: cùm alia sint procul quærenda: bona perennia, cùm alia sint caduca. Verè omnis qui bibit ex aquis his, sitiet iterum; qui autem biberit ex aqua quam mihi dabis, non sitiet in æternum. Domine, da mihi obsecro hanc aquam, ut non sitiam amplius: da mihi te ipsum, ad quem desiderat anima mea, sicut desiderat cervus ad fontes aquarum! Desidero te millies, mi JESU quando venies! Veni Domine, tu solus deliciæ meæ, fiducia mea, gaudium meum, tranquillitas mea, suavitas mea, protectio mea, possessio mea, thesaurus meus, DEus meus & omnia. Amen.

12. IRRISIO.

Nonne benè dicimus nos, quia Samaritanus es, & Demonium habes? Joan. 8. Typus.

Typus. Elisæus.

Illudabant ei dicentes: Ascende calve, ascende calve, 4. Reg. 2.

Prototypon.

Contumeliosis Verbis Christus impetitur.

Affectus.

Non tantum à Judæis olim, ô mitissime Domine, passus es opprobrium & contemptum; sed etiamnum ab Ethnicis, ab hæreticis, ab impiis Christianis, quid non injuriæ pateris? Illi à fide alieni Venerabiles Aras tuas irrident; insuper isti perfidè destruunt: horum non pauci sacrilegè accedunt. Pro omnibus istis contumeliis, & indignissimis criminibus, ego tuorum omnium infimus, usque ad abyssum nihili prostratus, flecto genu cordis mei, & cum omnibus Creaturis, quæ in mundis infinitis creari possent, te honoro, te laudo, te magnifico, te extollo, te adoro, te amo. Te præsentem, (audi orbis universe) te æque præsentem in Templis, in Aris, in sacerdotum manibus esse credo, atque præsens & ad dexteram tui Patris in cœ-

Crucis perpetua. 33

lis. In hac orthodoxa fide vivo, eamque Vitâ,
& sanguine sigillare paratus, etiam hoc mo-
mento, opitulante tuâ gratiâ. In hac fide vi-
vâ me moriturum esse confido: teque propitio
ad dexteram tuam auditurum: Fides tua te sal-
vum fecit. Amen.

13. DECOLLATIO
BAPTISTÆ.

DEcollavit eum in carcere, & at-
tulit caput ejus in disco, & dedit
illud puella. Marc. 6.

Typus. Josias.

Universus Juda & Jerusalem, lu-
xerunt eum. 2. Paral. 35.

Prototypon.

Iniquâ cæde plectitur innocens
Præcursor Servatoris meritò
deflendus omnibus bonis.

Affe-

STupenda res, horrenda res, ex mero odio caput humanum in disco, spectandum Principibus, tempore convivii inferri. Amanda res, miranda res, ex pura charitate, non humanum, sed divinum, non caput tantum, sed & humeros ac brachia; Cor, & pectus, manus, ac pedes, totumque corpus, non Præcursoris Christi, sed Christi, non modò spectandum, sed epulandum; non tantum Principibus, sed omni hominum generi, non unâ vice, sed innumeris apponi. O charum caput, & facies in quam desiderant Angeli prospicere! Beata brachia & humeri, qui Crucem pro me ferre dignati! Benedictum pectus in quo dilectus tuus discipulus recubuit! O cor amabile, omni peccatori pervivum! O Venerabiles manus, in quas acceptus est panis, & benedictus, & fractus, datusque Discipulis! O benigni pedes peccatricis lachrymis irrigati! O Sacrum corpus, ejus solius amore semper langvere desidero; illud semper suspirare, semper esurire, ejusque dulcedine semper pasci. Amen.

14. LAPIDATIO.

Sustulerunt ergo lapides Judai, ut lapidarent eum. Joan. ic.

Typus

Typus. David.

Semei maledicebat, mittebatq;
lapides contra David. 2. Reg. 26.

Prototypon.

Judæi indignabundi Christum
lapidibus impetere properant.

Affectus.

HI lapides loqvuntur, & clamant, id quod
Petrus fundamentalis petra: Tu es Chri-
stus Filius DEI vivi. Vident enim te per do-
tem corporis gloriosi, per dotem impassibilita-
tis, inter lapidantes attonitos incolumem, illæ-
sum, transire. Ita te pariter Filium DEI, lapis
tuus sepulchralis, propter dotem penetrabilita-
tis, in sua Resurrectione cognovit. Pater æter-
ne tibi, cum omni tua curia cœlesti, gratias
ago, quia hoc novo prodigio, clarificas Filium
tuum, adversariis ejus omninò confusis. Sancti
autem tui omnes benedicant te Christe, tum
quia nostri amore, subducis minori, ut te refer-
ves ad graviora supplicia; tum quia nos doces,
nullum ulli nocere posse, sine providentia tua.
O mi Domine, qui in Altari nostro præsentis-
simus es, & dixisti, te nobiscum fore usque ad
consummationem.

consummationem sæculi; ad sis mihi saltem
gratiâ tuâ, in omnibus viis & periculis meis, &
dicam confidenter; Non timebo mala, quo-
niam tu mecum es; nec offendam ad lapidem
pedem meum. Amen.

15. PRÆCIPITATIO DE MONTE.

Efecerunt eum extra civitatem,
& duxerunt illum usq; ad super-
cilium montis, ut precipitarent eum.
Lucæ 4.

Typus. Jeremias.

Apprehenderunt eum Sacerdotes,
& Propheta, & omnis populus,
dicens; Morte moriatur. Jerem. 26

Prototypon.

Judæi quasi impetu facto irru-
erunt in Christum, ut eum è me-
dio tollerent.

Affe-

Affectus.

HEi mihi? Quot olim de altitudine montium cecidêre; quot præcipitantur in dies! Quomodo cecidisti cum tuis è coelo Lucifer, qui dicebas in corde tuo, Sedebo in monte testamenti, in lateribus Aquilonis! Ita ascendit in altum superbus homo, audiens illud: Eritis sicut Dii, & lapsus ex alto, comparatus est jumentis insipientibus, & similis factus est illis. Ah! non veniat mihi pes ille superbiæ; non exaltetur cor meum; neque ambulem in magnis, neque in mirabilibus super me! Hoc oro te humillime JESU, per inusitam tibi injuriam, dum vi factâ irruentes in te, urbeque tuâ te pellentes, ad cacumen montis traxerunt, ut inde te præcipientem darent. Idipsum obtestor per omne opprobrium, quod in monte Calvariæ pro me passus es; perque innumeras contumelias, & probra, quæ vides & toleras in montibus Syon, id est, Templis tuis. Ex his enim violentè exturbaris; in istis concularis: in aliis ludibrio afficeris ab impiis, utinam à piis, & nominatim à me omni pietatis genere colaris. Amen.

16 VALEDICTIO MATRIS.

DE postremo colloquio, quod
seor-

seorsim cum Filio Mater instituit.
Vide S. Bonavent. cap. 72. Medit.
vitæ Christi.

Typus. Sara.

Solum unigenitum Isaac, in monte
Moria ad sacrificium tenden-
tem, dolens à se dimittit. Nam
conscia fuit necis futuræ, juxta
S. August. de Temp. serm. 73.
Tom. 10. Gen. 22.

Prototypon.

Christus amantissimæ Matri
valedicit, priusquàm se accin-
gat, ut mortem oppetat in mon-
te Calvariaæ.

Affectus.

Quò vadit dilectus tuus ò Noëmi, ò pulcher-
rima mulierum, quò vadit? Ad coenam
cui interit proditor: ad hortum ubi sudabit
sanguis.

sanguinem; ad Annam ubi alapis cruentabitur; ad Caipham ubi opprobriis saturabitur; ad Herodem ubi illudetur ut demens; ad Prætorium ubi cædetur ut reus; ad montem, ubi suspendetur ut latro. Hæc singula confers in corde tuo, & profundè gemens, dicis: Ne vocetis me Noëmi, id est pulchram: sed vocate me Mara, id est, amaram; quia amaritudine valdè replevit me Omnipotens. O MARIA, ò MARIA, ò mœstissima mulierum, ò afflictissima Virginum! Eja Mater fons amoris, Me sentire vim doloris Fac, ut tecum lugeam. Fac, ut ardeat cor meum, in amando Christum DEum, ut sibi complaceam. Ut, & tibi complaceam, & utriusq; dolore & amore langveat, ardeat, liquefiat anima mea, præsertim dum accedo Sacrosanctum Altare, in quo recolitur memoria Passionis istius. Amen.

17. ULTIMA COENA.

EDentibus illis dixit: Amen dico vobis, quia unus vestrum me traditurus est. Matth. 26.

Typus. Agnus Paschalis.

Tollat unusquisq; agnum per familias, & domos suas. Exod. 12.

C.

Proto.

Prototypon.

CHristus verus Agnus se appo-
suit ad edendum in ultima
Coena, etiam suo proditori.

Affectus.

INvitaris ad coenam, coenam magnam, o ani-
ma Christiana: noli te excusare, noli. Verè
coena magna, quia à magno DEO, magnâ cha-
ritate proposita. Magna, quia magno prodig-
io, elaborata, in qua memoriam fecit suorum
mirabilium misericors Dominus. Magna, quia
magnis ferculis instructa corpore Christi, ani-
mâ Christi, divinitate Christi. Magna, quia pre-
tium magni: ubi sunt omnes cœli, terræque the-
sauri. Magna, quia magnâ arte adornata, ubi
tota coena, parvo concluditur frusto, & suum
hospitem simul includit. Magna, quia ma-
gnæ, imò universæ hominum multitudini præ-
parata. Magna, quia magnis mysteriis ab-
omni retrò ætate præsignata: Magna, quia ma-
gnorum largitrix munerum: qui manducat
hunc panem, vivet in æternum. Quid superest?
Ut magna præparatione, ac curâ, magnâ con-
tritione, & demissione; magnâ fame, & sitis
magnâ fide, ac fiduciâ, magnâ religione, ac re-
verentiâ, magno zelo, ac charitate, hanc men-
sam velis accedere. Amen.

18. HORTUS GETHSEMANI.

Pater si vis, transfer calicem istum à me, verum tamen non mea voluntas, sed tua fiat. Apparuit autem illi Angelus de cælo confortans eum. Lucæ 22.

Typus. Elias.

Petivit animæ suæ ut moreretur, projecitq; se, & obdormiuit in umbra juniperi: & ecce Angelus Domini tetigit eum. 3 Reg. 19.

Prototypon.

Christus humi prostratus, & ad mortem usq; afflictus ab Angelo confortatur.

Affectus.

Domine mi JESU doce me orare: orare suppliciter, qui animi summâ veneratione, & corporis infimâ inclinatione, non modò
C A in

ingenua, sed in faciem oraus, procidisti. Ora-
re ferventer, qui easdem preces ardenti conten-
tione repetisti, junctis gemitibus inenarrabili-
bus. Orare amanter, qui clamasti, Abba Pater,
id est, Pater, ò mi Pater, ut dilectissimus Filius,
amantissimo Patri supplicabundus. Orare con-
stanter, qui orasti usque ad uberes lachrymas,
usque ad virium defectionem, usque ad sudo-
rem sanguineum; usque ad supremam ago-
niam. Orare, cum omni resignatione, non
obstantibus insuitis difficultatibus, verum ta-
men, non mea (inquebas) voluntas, sed tua
fiat. Volo quidem Domine, sed non valeo
sic orare: ut valeam, oro iterum, & millies oro,
Domine, doce me orare, idque obtestor per
preces tuas, tantâ demissione, tanto fervore,
tanto amore, tantâ constantiâ, tantâ resigna-
tione, pro me effusas, perque placabile illud
Altaris Sacrificium, in quo semper vivis ad in-
terpellandum pro nobis. Amen.

19. OSCULUM JUDÆ.

*Confestim accedens ad JESUM di-
xit: Ave Rabbi, & osculatus est
eum. Matth. 26.*

Typus. Amasa.

*Dixit itaque Joab ad Amasam: Sal-
ve mi*

*ve mi frater. Et tenuit manu dexte-
râ mentum Amasa, quasi osculans
eum. 2. Reg. 20.*

Prototypon.

CHristum Judas amicè salutan-
do, & osculando inimicis tra-
didit.

Affectus.

Juda quid agis? Amoris signo vulnus infligis? mellis oblatione venenum propinas? charitatis officio sanguinem fundis? instrumento pacis mortem irrogas? Juda quid agis? quò decidisti? de Apostolatu ad apostasiam; de consortio Angelorum ad contubernium dæmonum; de primis amicorum, ad ultimos hostium; de sublimi gratiæ folio, ad profundam damnationis abyssum; de participatione augustissimi corporis, ad venditionem ejus divinisissimi sanguinis? Ah! quantum sæpè nequitiae sub fronte blanda; quantum mali sub larva boni tegitur! Id facis peccatrix animâ, dum aliquem blanditis ad peccandum allicis, dum tuis fraudibus decipis; dum per causam pieta-

tis impietatem velas; dum sacram mensam sacrilegè accedis, non dijudicans Corpus Domini. Exeste proditores, procul à me exeste. Moveat vos divinæ dulcedo charitatis, & viscera misericordiæ Christi: qui pro malevolentia favorem; pro odio amorem; pro morte vitam; pro isto osculo præbet amplexum. Hunc amplexum enixissime desidero, præsertim in hora mortis. Amen.

20. TORRENS CEDRON.

EGressus est cum discipulis suis trans torrentem Cedron. Joan. 18. In eundem præcipitatus est. Andrichom.

Typus. David.

OMnes flebant voce magnâ, & universus populus transibat: Rex quoq; transgrediebatur torrentem Cedron. 1. Reg. 15.

Prototypon.

Dominus per torrentem Cedron

dron raptatus est, quem cum Discipulis ante transiêrat.

Affectus.

OMnes de aquis tribulationum; omnes cum Christo de torrente in via bibimus; & trahimur de malo in malum, tolerandum est. Humores nos inflant, ardores exsiccant, escæ gravant; jejunia macerant, gaudia dissolvunt, tristitiæ consumunt: tolerandum est. Sollicitudo nos coarctat, incuria dissipat, divitiæ extollunt, paupertas dejicit, infirmitas frangit, mors interimit, tolerandum est. O quando corruptibile hoc induet incorruptionem, & mortale hoc induet immortalitatem? O quando replebimur ab ubertate domus DEI, & torrente voluptatis potabimur? O quando dicetur, jam hyems transiit, imber abiit; Veni de Libano, veni coronaberis, intra in gaudium Domini tui? Interea, dum tædia vitæ toleranda sunt, in loco hoc peregrinationis meæ, & exilii, pascar Eucharistico manna, pane Angelorum, delitiis cœli: donec aspiet dies æternitatis, & inclinentur umbræ hujus vitæ, donec videam faciem ad faciem illum, qui modò absconditus hic me respicit per cancellos. Amen.

21. ANNAS.

UNus assistens Ministrorum dedit
alapam JESU. Joan. 18.

Typus. Michæas.

Accesit Sedecias filius Chanaana,
& percussit Michæam in maxil-
lam: mène ergo dimisit Spiritus, &
locutus est tibi? 3. Reg. 21.

Prototypon.

Veridicus Servator impuden-
ter in facie cæsus est.

Affectus.

Quismam ille est, qui à mancipio alapâ cru-
deli ceditur? Nunquid non est omnium
innocentissimus? Ergò non plectendus. Nun-
quid non omnium Dominus? Ergò honoran-
dus. Nunquid non omnium Pater? Ergò
amandus. Nunquid non electarum Sponsus
animarum? Ergò favore dignus. Nunquid
non omnium Judex? Ergò timendus. Nun-
quid

quid non omnium Deus? Ergò adorandus.
Qui fit igitur ut innocenti, & Domino, & Patri,
& Sponso, & Judici, & Deo verber tam igno-
miniosum impingatur? O cæcitas, ò fatuitas,
ò crudelitas nimia! O mi Chrifte, pro injuriæ
istius reparatione, te non jam quidem pro tri-
bunali, sed in Altari stantem, omnis innocentie
fontem esse confiteor, te Dominum veneror,
te Patrem diligo: te animæ meæ Sponsum am-
plector: te omnium Judicem timeo: te Deum
vivum ac verum cum omnibus Angelis adoro:
impensè flagitans, hanc unam modò à te gra-
tiam consequi, ut omnium injuriam à quocun-
que mihi impactam, libentissimè amore tui
condonem, quod & nunc ex animo facio.
Amen.

22. CAIPHAS.

Velaverunt eum, & percutiebant
faciem ejus, & interrogabant
eum dicentes: Prophetiza quis te
percusit. Luc. 22.

Typus. Samson.

Quem cum apprehendissent Phi-
listinim, statim eruerunt oculos

*ejus, & duxerunt Gazam vinctum
catenis, & clausum in carcere mole-
re fecerunt. Judic. 16.*

Prototypon.

CHristo Judæi oculos velârunt,
multâque percussione, & con-
tumeliis per noctem onerârunt.

Affectus.

ECce quomodo afflictio superaddatur affli-
cto, dum decora facies sordidis sputis inquini-
natur; divinæ aures, gravibus contumeliis la-
cessuntur; sereni oculi scedò linteo obteguntur;
sacrum corpus duris colaphis oneratur. Sed cui bono hæc ludibria? O peccator, pro
superfluo oris, vultûsq; tui cultu ille conspuitur:
pro nimia tua aviditate captandæ laudis huma-
næ subsannatur: pro petulanti oculorum tuorum
libertate velatur: pro contumaci capitis tui du-
ritie, ille durè excipitur. Sed jam ad eundē, quem
sub Sacramento velatum, fide viva intueris, ac-
cede; omniaque peccata cordato dolore dete-
stans, dic illi: Ostende mihi Domine faciem
tuam, & salvus ero: inclina aurem tuam ad
preces meas, ad preces etiam Larronis inclina-
tas: converte oculos tuos ad me, etiam Petro

te neganti, non negatos: benignus annue capite tuo, etiam ad tui proditoris oscula incurvato; & cantabo misericordias tuas in æternum, & ultrà. Amen.

23. PILATUS.

*C*æperunt autem eum accusare .
dicentes : hunc invenimus sub-
vertentem gentem nostram. Luc. 23.

Typus. Daniel.

*T*unc respondentes, dixerunt coram
Rege ; Daniel de filiis captivita-
tis Juda, non curavit de lege tua, &
de edicto quod constituisti. Daniel. 6.

Prototypon.

*C*hristus apud Præsidem Pila-
tum falsâ accusatione tradu-
citur.

Affectus.

*R*omano Præsidi respondes ò Christe ; Re-
gnum meum non est de hoc mundo. Lo-
quere

Quere ò Rex meus, & DEus meus, qui sub Sacramento lates, & equinam sint candidati regni tui, & qui sunt hujus mundi? Mei, qui ambiunt latere, nesciri, omnibus esse subjecti: illius sunt, qui per fas, & nefas grassantur ad honores, & officia, cunctisque ardent præesse. Mei sunt, qui credunt illud: Beati pauperes spiritu: illius sunt, qui illud: ò beati divites! Mei, qui bona propria elargiuntur: illius, qui rapiunt etiam aliena. Mei, qui in corde & ore habent: Quærite primùm Regnum Dei: illius qui clamant; quærenda pecunia primùm est, virtus post nummos. Quid insuper? Mei, qui castimoniam juxta statum suum rigidè servant; illius, qui vagâ libidine dissolunt. Mei, qui inimicos ex animo diligunt; illius, qui etiam amicos odio habent. Mei, qui sobriè, piè, justè vivunt; illius, qui intemperanter, impiè, iniquè. O Domine adveniat mihi hoc regnum tuum! hoc ingeminabo quotidie. Amen.

24. HERODES.

Sprevit illum Herodes cum exercitu suo, & illuserit, indutum veste albâ, & remisit ad Pilatum, Luc. 23.

Typus.

Crucis perpetua.

31

Typus. David.

*Alit Achis ad servos suos : Vidistis
hominem insanum? quare addu-
xistis eum ad me? 1. Reg. 21.*

Prototypon.

CHristus ipsamet Patris æterni
Sapientia, ab Herode dementis
instar, albâ veste amicitur, &
ad Pilatum remittitur.

Affectus.

QUâm diu procabitur amorem meum amor
Divinus, qui etiam nûm in Arâ me quærit,
quot ludosaget, quot mutabitur in personas?
Egressus ut sponsus; cucurrit ut gigas; jacuit
ut infans; fugit ut exul; ambulavit ut pere-
grinus; obedivit ut subditus; ministravit ut
servus. Quid? quodd jejunavit ut pœnitens,
luctatus ut miles, coronatus ut victor? Quid?
quodd Medici partes inter ægros; Magistri in-
ter discipulos; Patris inter filios exple-
vit? Quid? quodd Samaritani, Pastoris, Vinito-
ris, Mercatoris, Regis, & plurium habitum in-
duit?

duit : Et quas non actiones in mei gratiam egit
in domibus, ac plateis : in templis, ac synago-
gis ; in oppidis & urbibus ; montibus & valli-
bus, terrâ ac mari ? Nondum cessisti amorî ô
cor durum ? se dedit in pabulum ; se obtulit in
lytrum, se promisit in præmium. Sudavit ut a-
gonizans : comprehensus ut latro : cæsus ut
mancipium : velatus ut Pseudopropheta : ac-
cusatus ut seductor, habitus ut blasphemus :
spretus hic & illusus ut stultus. Vicisti ô Amor
Divine, Vicisti, ecce cor meum & omnem amo-
rem, nunc, & in æternum. Amen.

25. FLAGELLATIO.

*Tunc ergò apprehendit Pilatus
JESUM, & flagellavit. Joan. 19.*

Typus. Jeremias.

*I Rati Principes contra Jeremiam,
casum eum miserunt in carcerem.
Hier. 37.*

Prototypon.

*Iussu Pilati Servator tuus ad co-
lumnâ*

lumnâ vindictus, atrocissimè
flagellatur.

Affectus.

Quid hoc rei est? Peccat iniquus, & punitur
iustus. Delinquit nocens, & plectitur in-
nocens? Offendit impius, & damnatur pius.
Quod perpetrat servus; exolvit Dominus:
quod committit homo, sustinet DEUS? Nate
Deo, quò tua decrescit Majestas, & increscit
benignitas? Quò tua descendit humilitas, &
ascendit charitas? Ego, ego, iniquè egi, & tu
poenâ mulctaris? Ego facinus admisi, & tu
subjiceris laniationi? Mihi ista vincula, illa co-
lumna, illa tortorum sævitia, illa flagra, illa vul-
nerum multitudo debetur. O Pater æterne, qui
ut mihi vermiculo terræ parceres, non peper-
cisti Unigenito tuo, te vehementer obtestor per
nimiam tuam & ipsius charitatem, ut tandem
sistam fluxum sanguinis istius, & in his, & istis
tuâ gratiâ desistam peccare. Ergone ut Vir-
gineum illud corpus, ut divinos illos artus lace-
rare, talia cogitando, loquendo, agendo per-
gam? Absit. Ad piacularē hanc aram con-
fugio, prius hic moriturus, quàm amplius
peccaturus. Amen.

26. CORONATIO.

Imponunt ei plectentes spineam coronam, & ceperunt salutare eum, Ave Rex Judaorum. Marci 15.

Typus. Aries Abrahami.

LEvavit Abraham oculos suos, viditq; post tergum arietem inter vepres harentem cornibus, quem assumens, obtulit holocaustum pro filio. Gen. 22.

Prototypon.

Ingenti tormento spineum sericum tenerrimo Christi capiti infigitur.

Affectus.

O Mi JESU, qui hinc idem es in templo, qui olim in Prætorio, si me totum debeo pro me facto. quid elabo pro refecto, hoc modo? Nec enim tam facile refectus quam factus. Nam

Nam qui me semel, & dicendo tantum fecisti, in reficiendo dixisti multa, fecisti mira; pertulisti dura: nec tantum dura, sed & indigna. Heu quam indigna vel in hoc mysterio Coronationis! Villissimi enim homines plexo ex spinis acutissimis ferto te coronant: coccineum tibi scrutum instar purpuræ in humeros conjiciunt: arundineum sceptrum dextræ imponunt; curvato poplite Regem Judæorum ridiculè salutant: in te lingvas exerunt, dentibus frendent, labiis loquuntur; te digitis notant, te conspuunt, te palmis cædunt. Iterum rogo, ò mi JESU, quid dabo pro me refecto, & refecto hoc modo? Firmiter statuo, uti debeo, omnem mei despicientiam, omnem injuriam, omnem ignominiam ferre tui amore toleranter, imò gratanter: quin etiam opto ex illis esse, qui gaudent pro nomine tuo contumeliam pati. Amen.

27. ECCE HOMO.

Dicit eis: *Ecce Homo: Clamabant dicentes: Crucifige, Crucifige eum.* Joann. 19.

Typus. Job.

Percussit Job ulcere pessimo, à planta pedis, usq; ad verticem ejus.
Job. 2. Pro-

Prototypon,

CHristus toto corpore saucius,
exponitur innumeræ homi-
num multitudini.

Affectus.

Hei misero mihi ! quot telis saucia, quot
vulneribus lacera, quot mortibus mortua
est infelix anima mea ! Væ mihi peccatori,
cùm venerit dies iudicii, dies iræ, calamitatis
& miseriæ : cùm aperientur libri conscientia-
rum, cùm dicetur de me : Ecce homo, & o-
pera ejus. Quid faciam tunc Domine DEUS
meus, cùm cœli revelabunt iniquitatem meam,
& adversum me terra consurget, & clamabit :
Crucifige, Crucifige eum ! Ecce nihil respon-
dere potero, sed demisso capite præ confusio-
ne coram te stabo trepidus ; & confusus. Ita-
ne verò ? at enim necdum venit dies illa, dies
iræ, dies magna, & amara valdè. Cognovi
ego, & quidem in hac die mea, quæ ad pacem
mihi. Vivens, vivens confitebor tibi Domi-
ne, sicut & ego hodie. Confitebor adversum
me injustitiam meam Domino & tu remittes
iniquitatem peccati mei. Peccavi, peccavi
Domino ! & licet non audiam, quod semel
audivit David : Dominus transulit peccatum
meum ;

tuum; audio millies: Ecce Agnus Dei, ecce qui tollit peccata mundi; Ecce Homo. Amen.

28. BAJULATIO CRUCIS.

Bajulans sibi crucem, exiit in eum, qui dicitur Calvaria locum. Joann. 19.

Typus. Isaac.

Tulit quoque ligna holocausti, & imposuit super Isaac filium suum. Gen. 22.

Prototypon.

CRUX gravis, humeris Servatoris graviter affectis, injicitur.

Affectus.

DEUS meus, qui ut ubique Divinitate, sic in hac sacra æde, mihi præsentissimus es tuâ humanitate; quâ fit, ut quoties crux aliqua,

qua, siue hæc N. siue ista submittitur, animo
exhorream, voluntate auerfer, verbis oblueter,
manus, humerosque subducam? Hic est sen-
sus infirmitatis meæ. Verum exurge anime,
confortare, & in omni aduersitate audi vocem
Christi tui sibi oblatam crucem alloquentis,
Veni! ò veni in amplexus meos Crux ab æter-
no electa, æternis desideriis fota, infinitis amo-
ribus concupita, omnibus votis expectata!
Veni, ò tandem, veni Sponsa mea, formosa
mea, dilecta mea, ab origine mundi præparata,
à Prophetis prædicta, à Patribus expetita, tot
Typis præsignata, tot sæculorum, tot Ange-
lorum, tot hominum affectibus exoptata!
Veni in manus, in lacertos, in humeros
meos, quam die, noctuque memoriâ, intel-
lectu, voluntate, toto corde complexus fui:
te feram, à te ferar: in te vixi, in te moriar,
pro salute tua, ò homo, quisquis es. Amen.

29. PRIMUS LAPSUS SUB CRUCE.

IN loco ad occasum vergente,
Christus in terram subsidit.
Adrichom. in descript. Ierusal. n. 118.

Typus.

Typus. Scala Jacob.

Tulit de lapidibus qui jacebant, & supposuit capiti, dormivit in eodem loco, viditq; in somnis scalam stantem super terram. Gen 28.

Prototypon.

CRux est scala coeli, sub qua non dormiens, sed vigil, sed defectis viribus jacet Servator.

Affectus.

ECce vir dolorum, novissimus virorum Filius hominis, Filius Dei, vermis, & non homo, opprobrium hominum, & abjectio plebis, humiliatus est nimis ! Quid superbis ò homo, non homo, sed pulvis, & cinis, quid superbis ? quid deliciaris & gaudes ? Dic putredini, pater meus es, & mater mea, & soror mea vermicibus. Risum reputa errorem, & gaudio dic, quid frustra deciperis ? Ecce DEus tuus circumvallatur ærumnis, & hominum pedibus conculcatur. Et tu contra ò homo, animi nimis pusilli, nimiumque dejecti, dum foris pugnae,

gnæ, dum intus timores, quid percelleris? qui
turbaris? quid humi jaces? Ad te in terra adrepsit
dilectus tuus, & suavissime insusurrat auribus
tuis. Noli timere fili mi, ego de tuo fui tre-
pidus, tu de meo esto securus; ego cecidi, ut tu
stares: ego pondere peccatorum tuorum pres-
sus fui, ut omni onere levareris: ego sustuli
peccata tua, noli timere. Hæc te, o bone JESU
in sacra Ara jacentem, mihi dicere audio, & o-
bedio. Amen.

30. VIRGINIS MATRIS OCCURSUS.

Mœstissimo Filio, mœstissima
Mater occurrit. *S. Bonaventura,*
lib. Meditat. Vita Christi cap. 77.

Typus. Virgines ad Oniam
concurstantes.

Accinctæ mulieres ciliciis pectus,
per plateas confluebant: sed &
Virgines quæ conclusæ erant, procur-
rebant ad Oniam, 2. Machab. 3.

Pro-

Prototypon.

Virginum Virgo domo suâ in
viam publicam egressa, Filio
suo miserandum in modum affli-
cto, & affecto, obviam procedit.

Affectus.

O Tristissima Matrum, te adjurat anima
mea: & qualis est inquit, Unigenitus tuus
qui occurrit tibi? Et dicis illi: Unigenitus meus
candidus, & rubicundus, sed non illo colore ad
miraculum amabili, sed flebili supra omnem
modum. In Horto enim Gethsemani candi-
dus sudore, rubicundus cruore. Apud Cai-
pham albo linteo oculis velatis: apud Annam
genis alapa cruentatis. In Aula Herodis indu-
tus veste candenti; in Prætorio Pilati purpureâ.
In ingressu ejusdem Prætorii toto corpore
candidus: in egressu omnibus membris
sanguinolentus. Et jam obviam mihi factus
solâ innocentia est candidus; alioquin toto
corpore purpuratus. Talis est Unigenitus
meus, ô Filia Jerusalem, & ipse est dilectus tuus.
O dilecte mi, qui etiam in sacrificiis nostris inter
albentia lilia, ac rubentes rosas; inter candidas
hostias, ac vina rubra; inter alba, purpureaque
Para-

Paramenta conspiceris; da mihi de peccatis meis semper erubescere, & in sanguine Agni super nivem dealbari. Amen.

31. SIMON CYRENÆUS.

INvenerunt hominem Cyrenæum, nomine Simonem, hunc angaria-verunt ut tolleret Crucem ejus. Match. 27.

Typus. Ethai.

IN quocunq; loco fueris Domine mi Rex, sive in morte, sive in vita, ibi erit servus tuus. 2. Reg. 15.

Prototypon.

NE Christus omnino deficiat, auxiliatricem manum adhibet Cyrenæus.

Affectus.

Domine mi Rex, in cruce ferenda te sequi, tibi servire desidero. Siquidem te sequi dominari est, tibi servire regnare. Utinam er-

go verè dicam: Servus ego solùm tuus, tu Dominus meus. Non enim omnes ausi sint dicere, solùm servus tuus sum ego: nam plures Dominos habent. Venit Ambitio, & dicit, Meus es; quia toti honoribus inhiant. Venit Luxuria, & dicit, Meus es: quia in omnem voluptatem projecti. Venit Avaritia, & dicit, Meus es; quia injusta lucra sectantur. Venit Ira & dicit, Meus es; quia nonnisi vindictam spirant. Venit Gula, & dicit, Meus es; quia epulantur quotidie splendide. Veniunt omnia vitia, & singula dicunt, Meus es; Qui tot Dominos habent, quàm multorum servi sunt; quot onera, quot juga, quot Cruces tolerant, & heu quàm amaras, quàm graves! O si ego tali emancipatus vitiorum servitute, accurram ad Aram tuam, mi Domine JESU, jugumque suave, & onus leve, id est, Crucem tuam amplectar! Tu solus Dominus meus, & ego servus solùm tuus. Amen.

32. VERONICA.

HÆc Matrona sangvinolentam.
 Servatoris faciem sindone sua,
 expresfit, ut passim notum. *Adrich, in Descript. Jerusal.*

D

Typus.

Typus. Tunica Joseph
cruenta.

Tunica Filii mei est; fera pessima
comedit eum; bestia devoravit
Joseph. Gen. 37.

Prototypon.

Veronica Christo occurrit, cu-
jus oblato linteo, cruentum
ille vultum suum applicuit.

Affectus.

Quis olim clamavit, Ostende nobis faciem
tuam, & salvi erimus? Non tantum Domini
facies mihi ostensa, sed data; nunquid non
in salutis certum pignus, atque eximium mo-
numentum? Ita loquitur pia Beronice, & per-
git loqui. O mi Creator, o mi Redemptor,
quantum tibi debeo! Opus utriusque mirabile,
& amabile, sed hujus magis. In primo enim
opere me mihi dedisti, in secundo te, & ubi te
dedisti, me mihi reddidisti. Data ergo & red-
dita, me pro me debeo, & bis debeo, quidnam
jam tibi retribuam pro te? Etsi me millies re-
pendere

pendere possim, quid sum ego ad te? Minus
quàm guttula ad Oceanum, arenula ad univer-
sum, momentum ad æternitatem. Perennem
ego beneficii istius memoriam servabo in sin-
done ista. O anima mea, quantum tu tuo Re-
demptori debes, qui sui memoriam non in
mortuo lineo, sed vivâ Hostiâ reliquit, ubi non
exanimis facies, sed corpus ejus integrum con-
tinetur? O Domine, quia solvendo non sum,
te tibi reddo, & me millies tibi! Amen.

33. SECUNDUS LAPsus AD PORTAM.

AD portam Judiciariam iterum
cadit. *Ad richomius.*

Typus. Dux Amasa.

Amasa conspersus sanguine jace-
bat in media via. 2. Reg. 20.

Inflictum fuerat vulnus prodito-
riâ manu Joabi.

Prototypon.

Denuò subsidit humi Servator,
onerosâ sub Cruce, totus san-
guinolentus, D 2 Affe-

Patientissime Salvator hinc iterum labens, & humum cruentans, exhibes an imaginem, an medicinam peccatoris recidentis, seque pristino peccatorum tabo, ac sanguine inquinantis? Amantissime illi dicis: Transiens per te, vidi te conculcari in sanguine tuo, & dixi tibi, cum esses in sanguine tuo; Vive. Expandi, amictum meum super te, & operui ignominiam tuam, & iuravi tibi: Vivit Dominus! quia nolo mortem peccatoris, sed magis, ut convertatur, & vivat. Surgam ergo, & ibo ad Patrem meum, & dicam ei: Pater peccavi in Cœlum, & coram te: jam non sum dignus vocari filius tuus: fac me sicut unum de Mercenariis tuis! Et ecce inclinati sunt cœli, & mellisui facti sunt. Misericordiâ motus Deus meus, descendit ad Altare istud; venitq; in occursum meum, & osculatur me osculo oris sui. Ad cor deinde loquitur, ac dicit mihi: Remissa sunt tibi peccata tua, jam amplius noli peccare. Da mihi Domine hanc gratiam, sed gratiam efficacem. Amen.

34. FILIÆ JERUSALEM FLENTES.

Filia Jerusalem, nolite flere super me, sed super vos ipsas flete, & super Filios vestros. Luc. 23. Ty-

Typus. Super Josiam mul-
lierum planctus.

OMnes Cantatores, & Cantatri-
ces usq; in presentem diem, la-
mentationes super Josiam replicant.
2. Par. 35.

Prototypon.

Israelitides filiæ immensâ com-
miseratione tactæ, luctuosam
Christi sortem deplorant.

Affectus.

Vis Domine me flere, jubes me flere peccata
mea, & meorum? Ad Sacrum Altare, ve-
lut ad asylum reus accurro, & ante illud toto
corde prostratus, exclamo: Heu! heu! peccavi,
Tibi soli peccavi Deus meus, qui potentiam
tuam infirmitate, sapientiam ignorantia, boni-
tatem malitiâ offendi. Tibi soli, qui ex indole
tua omnem iniquitatem odio habes. Qui so-
lus etiam nosti pro gravitate sua æstimare pec-
catum. Tibi soli, quia leges tuas transgre-
diendo, tibi Legislatore præcipuè injurius fui:
D 3 quia

quia & omnis proximorum læsio, te eorum ferit Auctorem. Tibi soli, qui peculiaribus favoribus præcatus, gratiisque cumulatus, pro tot bonis, tot mala retribui. Tibi soli, quia animo, corpore, rebus externis, iniquè egisti. Quia insuper tu DEus meus, & Accusator es, & Testis es, & Judex es. Accusator, quem toties & tam graviter læsi: Testis in cujus oculis singula patravi: Judex omnium, etiam minimorum. Precor ignosce, qui solus potes peccatis ignoscere, peccatis mederi. Ignosce, ò DEus, DEus salutis meæ. Amen.

35. ULTIMUS LAPSUS.

AD montem Calvariæ sub cruce prostermitur. *Adrichom.*

Typus. Onias.

Sacerdotes ante altare cum stolis Sacerdotalibus jactaverunt se. Jam verò qui videbat summi Sacerdotis vultum, mente vulnerabatur. 2. Machab. 3.

Prototypon.

AD Calvariæ montis ascensum postremò cadit.

Affectus.

Affectus.

EN cadit per quem cuncti stant ; infirmatur, per quem omnes roborantur ; in terra DEus jacet, per quem homines eriguntur in cœlum. O dulcedo mea, quot amaritudinibus ; ô gaudium meum, quot lachrymis ; ô sanitas mea, quot vulneribus : ô vita mea, quot mortibus obrueris ? Prodigia sunt ista ! Non minora succedunt ; incipiunt cœli inhorrescere, terra contremiscere, Templi velum dividi, sepulchra concuti, lapides conteri, elementa omnia commoveri. Quid tu peccator ? Tu prodigiorum omnium longè es maximum, qui in rerum omnium motu, manes immortalis ; in communi elementorum sensu, insensatus ; in saxorum fractione non scinderis ; in rerum animarum carentium vitâ, es mortuo similis. Si quid tamen in te vitæ melioris superest, in terram prorue, Patrem cœlestem obtestare, ut illum sanguinem humi fusum, eundemque qui in quotidiano sacrificio ipsi offertur, audiat pro te benignè loquentem, ut totus movearis, & convertaris. Amen.

**36. EXTRACTIO VESTIS, ET
FELLIS OBLATIO.**

Hic tunica illius extracta. *Adrichom. Dederunt ei bibere vinum, cum felle mixtum. Matth. 27 :*

Typus, Jeremias.

Factus sum in derisum omni populo. Replevit me amaritudinibus, inebriavit me absynthio. Thren. 3.

Prototypon.

Ei vestis evellitur, & loco solatii felle potatur.

Affectus.

Afflictae animae, loquitur dilectus meus, & dicit: Vide, si est dolor, sicut dolor meus: ad funestum Calvariae montem, pro te adrepens, gravi onustus trabe, coronâ spinâ confixus: post mille gemitus, post sanguineum sudorem, post amaras lachrymas, post plures lapsus, post cruentos gressus, pallorem mortis prae me ferens, extremum spiritum traho. Vide, si est dolor, sicut dolor meus; post vitam innocenter transactam; post plurima patrata prodigia: post innumera in homines merita: nullo jure, ac lege servatâ; in ipso ætatis flore damnatus sum; postque exhaustas crebris verberibus vires: post hiantia à capite ad imos pedes vulnera in conspectu infinitae multitudinis, mihi vestes crudeliter

deliter extrahuntur : vulnera foedè innovantur : atque inter sceleratos morituro, pro omni solatio fel offertur. Vide, si est dolor. sicut dolor meus : mihi hoc identidem ingeminat dilectus meus, præsertim dum inops solatii sacram mensam accedo : nec aliud solatium peto. Amen.

37. HUMI CRUCIFIGITUR.

Postquam venerunt in locum, qui dicitur Calvaria, ibi crucifixerunt eum. Luc. 23.

Typus. Samson.

Si septem crines capitis mei cum licio plexueris, & clavum his circumligatum, terra fixeris, infirmus ero. Jud. 16.

Prototypon.

Indignissimè Christus humi pro-
jicitur, & immani tormento super
cruce extenditur, & clavis
affigitur, D 5. Affec

Affectus.

Indica mihi, quem diligit anima mea, ubi pascas, ubi cubes in meridie? Hoc sapenumero rogas, dum ante meridiem, domum illius invisis, ipsoque pascaris. Indico ego tibi, nomine ejus, quis sit accubitus illius, & simul indico quis sit tuus. Lectus ejus humi stratus est, in ignominiae loco; tu lectum honoris, & locum sublimem, ambitiosè quæris. Accubitus ejus inter infames latrones: tuus inter honorifica, & statu tuo majora consortia. Jacet is, inter opprobria, atque ludibria; tu stas inter gratulationes & plausus. Rursum indico tibi, ubi cubet ille in meridie. Illius in paupertate, imò in nuditate commoratio; tua in luxu, & abundantia vestium. Illius thalamus, quàm duris in spinis est: tuus quàm mollis in plumis est! illius manibus ac pedibus parantur crudeles clavi: tu manibus, pedibus quid agis? illius exhaustum vulneribus corpus, nullâ quiete datâ projicitur in truncum crucis; tu post exiguos labores omne solatium petis. Dicam, non tantùm volo nosse accubitum dilecti, sed & imitari. Amen.

38. SUSPENDIUM IN CRUCE.

Stabat juxta crucem JESU Mater ejus. Joann. 19.

Typus.

Typus. Serpens Mosaicus.

F*ecit Moyses serpentem aneum, & posuit eum pro signo, quem cum percussi aspicerent, sanabantur.*
Num. 21.

Prototypon.

Vulneratus pendet in ligno benedictus Filius Dei, velut maledictus, ut omnium vulneribus medeatur.

Affectus.

Veni, accurre, Oriens, Occidens, Septentrio, Meridies. Ecce panditur terra sancta, beati pedes, venerandæ manus, benigna brachia, amabile pectus. Eja quisquis es, humi te projice, & hunc adora, quia DEUS est; hujus pedes osculare, quia summus Pontifex est: hujus manus prehensa, quia Dominantium Dominus est; in brachia hujus invola, quia Pater est: in hujus pectus incumbere, quia Sponsus est. Inspice vulnera pendentis, viscera misericordis, pretium redimentis. Hæc quanta sint cogita,

cogita, hæc in statera tui cordis appende; ut totus tibi figatur in corde, qui pro te totus est affixus in Cruce. Illud spectaculum quondam Christus uni Solymæ, & semel cruentus exhibuit; idem omnibus mortalibus, & locis innumeris, quotidie exhibet in cruentus. Sedebo igitur ad hos pedes cum Magdalena: palpabo has manus cum Thoma: pendebo sub his brachiis cum pio latrone: recumbam in hoc pectore cum Joanne. Amen.

39. EXCEPTIO IN SINUM MATERNUM.

E Cruce depositus, gremio matris excipitur, etiamnum locus ostenditur. *Adrichom. in descript. Jerusal.*

Typus. Sunamitis.

*Posuit illa filium super genua sua,
usq; ad meridiem, & mortuus
est. 4. Reg. 4.*

Prototypon.

Filium de Cruce depositum in
sinum suum moestissima Ma-
ter excepit.

Affectus.

O Myrrhæ fasciculum venerabilem, myrrhæ primæ, myrrhæ probatissimæ! Ad expiationem peccatorum, quibus me abundare, & ad cumulum meritorum, quæ mihi deesse cognosco, hunc ego fasciculum inter brachia mea excipiam, & inter ubera collocabo, collectum ex omnibus anxietatibus, amaritudinibus, convitiis, sputis, colaphis, subsannationibus, exprobrationibus, flagellis, spinis, clavis, horumque pluribus, quæ Dominus meus mei amore toleravit. Hunc myrrhæ tam charum fasciculum, omnis crucifixi amator, de principatu tui pectoris, nec ad horam patiaris avelli. Amara illa omnia, quæ pro te ille perpessus est, alto animo retine, & assiduâ meditatione perpende. Utinam in meditatione ista exardescat ignis doloris, ignis amoris; & verè dicas: O beatum incendium, amare Dei Filium, & Dei Filio condolere. Tam verò maximè ex-
astua,

æstua, & totus accendêre, cùm Divinus Amor,
id est Dominus ille tuus, ex Ara ad te convolat,
labiis insidet, cor occupat, animam totam ad-
urit. O si ! Amen.

40. SEPULTURA.

*Posuit eum in monumento, quod
erat excisum de petra. Marci 15.*

Typus. Jonas.

*ERat Jonas in ventre piscis, tribus
diebus & tribus noctibus. Jo-
næ. 2.*

Prototypon.

*SEpulchro Christi corpus infer-
tur, quod ibidem triduo man-
sit.*

Affectus.

*A Spicio hoc sacrum depositum, priusquam
sepulchro condatur, idemque redivivum,
ante-*

antequam ex Altari ad me deferatur, & exclamo: Ecce quomodo amavit me! Dedit genas vellentibus; faciem conspuentibus; capillos extrahentibus; corpus percutientibus; caput coronantibus; humeros crucem imponentibus; manus, pedesque perforantibus. Ecce quomodo amavit me! Quando unicâ guttâ sudoris, unicâ lachrymulâ, gressu, gemitu, ictu oculi, voluntatis actu me redimere potuisset: ah! quot guttas sanguinis, quot lachrymas, gressus, gemitus, horas, dies, annos impendit! Ecce quomodo amavit me! Omne passionis tempus vocavit horam; Oceanum ærumnarum vocavit calicem; paratissimus pro me, non tantum semel, sed millies in hortu jacere, pro tribunalibus stare, per vias rapi, in cruce pendere. Et cui tuum tu impendis amorem? An huic rei N? an illi N? vel isti N? Væ mihi si ampliùs fecero! Te solum ò amator mi, amabo te solum! Amen,

PRO SACRIS D. N.

JESU CHRISTI
STIGMATIBUS.

Affectus.

*Quid sunt plagæ istæ in medio
manuum tuarum? Zach. 13.*Consideratio ex Ruperto
Abbate Tuiciensi.

Dicitur ei; quid sunt plagæ istæ in medio manuum tuarum? Quamdiu putas, & quomodo hoc, & à quo, & à quibus dicetur ei? Nimirum in sæcula sæculorum, sine cessatione dicetur ei: & admirando admiratione ineffabili dicetur ei: & à DEO Patre, cui factus est obediens usque ad mortem, mortem autem Crucis, dicetur ei: & à Sanctis Angelis, qui in eum desiderant prospicere, dicetur ei: ab hominibus quos morte suâ redemit, dicetur ei: quid sunt plagæ istæ in medio manuum tuarum? O magnum miraculum? mirum spectaculum, in Domino Dominatore omnium, plagas habere in medio manuum suarum!

Quæ

Quæritis quid sint plagæ istæ? & ego dico vobis, quia testimonia sunt Obedientiæ, signa voluntatis, & jussionis paternæ. Dominus Exercituum, DEUS Pater, mihi proprio Filio suo non pepercit, sed pro omnibus vobis tradidit me. Et ego factus sum obediens illi pro omnibus vobis usque ad mortem, mortem autem Crucis.

Affectus Primus.

Charitate perpetuâ dilexisti me, hodieque pergis diligere, me, ò dilecte mi! & ego tam serò dilexi te, & etiamnum remissus in dilectione tua, ò dilecte mi! quàm doleo, quàm confundor! Olim stupuit cœlum & terra miraculum Incarnationis tuæ, dum animæ beatæ unitum fuit mortale corpus, ut pati posset; etiam modò miretur cœlum & terra, portentum Resurrectionis tuæ, ubi in corpore glorioso, ac pati nescio, spectantur ac palpantur cruentæ vulnera passionis in cicatricibus sempiternis. Imprime mihi Domine cicatrices istas, & lancinent cor meum altissimo vulnere & vulnere sempiterno; ut tui unius desiderio langveat cor meum, tui unius amore moriatur, & moriens resurgat, & te diligat in æternum. Amen.

Affe-

Affectus Secundus.

Venite, audite omnes, qui timetis, imò amatis Deum, quanta fecit Dominus animæ meæ. Ab æterno amavit me, & jam tum statuit dilectam animam suam in mortem dare, ut me ab æterna morte servaret. Quid insuper? In pedibus, in manibus, in latere suo descripsit me, mortisquæ sigilla circumferens, gloriatur se mortuum esse pro me, ut ego vivam, & æternùm vivam; videamquæ in deliciis paradisi æternæ signacula charitatis. Benedicant te Domine millia millium, & decies centena millia Angelorum. Non hoc satis. Benedicat te benignissime JESU, multitudo miserationum tuarum, & amoris tui melliflui svisissima viscera, in quibus visitasti nos oriens ex alto, in quibus redemisti nos, & lavasti nos à peccatis nostris in sanguine tuo, & vulneribus tuis, quorum perennia geris insignia, semper memor nostri. Amen.

Affectus Tertius.

ITanè ab æterno cogitasti de me, & singulis etiamnùm momentis cogitas de me, & in æternum cogitabis ò amabilissima Bonitas? Et ego tamdiu fui oblitus tui; etiam modò vix memor tui, & in posterum tui potero oblivisci ò amabilissima Bonitas? Quàm rædet, quàm pu-

det me mei ! O magnum prodigium , quòd ab æterno amaveris me ! Sed nunquid majus prodigium , quòd in æternum diliges me ? Ibi enim amor latebat absconditus : hic apparuit gratia , & benignitas tua ò Salvator mi ; quia posuisti me ut signaculum super cor tuum , ut signaculum super brachium tuum , & hoc signaculum manebit in æternum . Onimja charitas , quid faciam tibi ? Adhæreat lingua mea faucibus meis , si non meminero tui ; tabescat in me anima mea , si non diligam te . Ponam te , ut signaculum super omnia interiora , & exteriora mea ; amabo te solùm in omnibus , & super omnia in æternum & ultrà . Amen .

Affectus Quartus.

O Benignissime , piissime , clementissime , suavissime , misericordissime Domine , ita ne ab æterno decrevisti , me in tempore redimere , ideoque te exanire , formamque servi accipere . ac dicere , non veni ministrari , sed ministrare : ego autem statui me extollere , in honoribus vivere , ac dicere in corde meo : Non serviam . Peccavi Domino , ac stultè egi ! Neque tantùm pro me servi formam induisti ; sed ut populi seductor ; ut falsus Propheta ; ut Rex ridiculus ; ut homo fatuus ; ut vermis , & non homo es habitus . Quid porrò ? ut capitis reus , post acerbissima vulnera , ad crudelissimam raptus

ptus es necem; illiusq; necis, ac vulnerum perpetua monumenta in pedibus, manibus, corde in æternum gestare voluisti. Attonitus sileo, solisque suspiriis loquor. O utinam mille amoribus amem te? mille obsequiis serviam tibi, mille millenis laudibus prosequar te, omnibus diebus ac noctibus vitæ meæ; ac deinde totâ, quâ parer, æternitate. Amen.

Affectus Quintus.

Quid sunt plagæ istæ in medio manuum tuarum? in medio pedum tuorum, in medio cordis tui? sunt æterni testes amoris; Divinæ monumenta pietatis; cruentæ trophæa victoriæ; nimix Symbola charitatis. Quid sunt plagæ istæ? sunt januæ Coelorum; sunt claustra inferorum; sunt fodinæ gratiarum; sunt pignora gloriæ; sunt deliciæ hominum & Angelorum. Quid sunt plagæ istæ? sunt fontes aquarum viventium; langventium medicinæ animarum; omnium solatia peccatorum; omnium incitamenta iustorum; sunt felicitas omnium. O utinam mergar, & absorbear pelago pietatis istius: abyssio miserationum istarum; Utinam inter vulnera illa: intra viscera illa, abscondar, ibique perpetuo stupore defixus, exclamen æternitate totâ; **DEUS** meus, & **DEUS** meus, & Amor meus! Amen.

PRO PERPETUO GLA-
DIO REGINÆ MAR-
TYRUM,
Affectus.

Varii varium numerum dolorum Virginis
Matris assignant. S. Vincentius Ferre-
rius, & B. Alanus de Rupe centum & quinquaginta recensent. Quindecim ego seligo, eosque
in certa ætatis Christi tempora, per tres qui-
narios dispertior, hoc pacto ut quinque pri-
mi, infantiam Christi complectantur: quin-
que alii annos ejusdem usque ad passionem;
quinque reliqui, tempus cruciatuum ultimo-
rum. Prima quinque dolorum mysteria, in
Christi infantia ad annum duodecimum, sci-
licet. Annunciatio, Nativitas Christi, Cir-
cuncisio, Gladius Simeonis, Fuga in Ægyptum,
Alia quinque ab anno Christi duodecimo, us-
que ad Passionem, videlicet, Amissio Filii duo-
dennis, Mors S. Joseph, Irrisio Filii, Decolla-
tio Baptistæ, Mœror super Filio, cùm qua-
rerent eum Judæi ad interficiendum. Postre-
ma quinque ipso tempore Passionis: Scilicet
Valedictio Filii. Virgo obviam facta Christo
crucem ferenti Crucifixio; Exceptio in sinum,
Sepultura.

1. Affectus in Annunciatione.

Conscia es, ò Virgo, Filium quem concipis, ad crucem tandem rapiendum, & dicis; Fiat mihi? Quid si illam necem innumera mala præcurrant? Quid si rejectus à suis, nascatur in stabulo? Quid si cultro cruentetur? Quid si inter Ægyptios exulet? Fiat mihi! Quid si cum fame luctetur, & siti? æstu uratur & gelu? plurimis annis inter familiæ latebras, fabrilis opus exerceat? Fiat mihi! Quid si sustineat odia civium, invidiam Principum, contumelias omnium? Quid si vincula, alapas, flagra, spinas, clavos, & durissimam mortem? Fiat mihi! Æmulus Virginis, sed ejusdem precibus fidens, audeo & ego sæpius ingeminare, Fiat mihi; ut corporis incommoda, animi molestias, cæli injurias, sortem adversam, damna bellorum, morborum tædia, & quidquid DEO placitum est, tolerem. Amen.

2. Affectus in Nativitate Christi.

O Prodigium gaudii simul & doloris! Salve, inquit Deipara, Fili mi, & osculabatur eum, sed lachrymando, quia præfagebat illud: Ave Rabbi. Ecce DEUS, & canitur Gloria in altissimis! sed quid illud? Ecce homo, & clamabitur. Crucifige eum. Hic in stabulo, ibi in horto: hic in stramine,

ibi

ibi cum arundine : hîc in fasciis, ibi in vinculis; hîc in præsepi, ibi in cruce; hîc inter matrem & nutritium, ibi inter duos latrones hîc lacte Virgineo satur, ibi felle, aceto, & opprobriis saturabitur; hîc tenero vagitu vitam inchoat, ibi clamore valido, & lachrymis vitam finiet. O quàm diversa fors, sed æquo animo accepta à Virgine! Lubens & ego feram, si mihi dolore gaudium misceatur: si in sublimitate demissio; in splendore obscuritas; in prosperis adversitas; in sanitate ægritudo; in divitiis paupertas obtingat. Amen.

3. Affectus in Circum- cissione.

MAter ecce Filius tuus. Pallent illius labella corallina: marcent rosæ genæ; ubertim stillant geminæ ocellorum gemmulae; crebrò gemit os formosulum; alternis singul- tit pectusculum lacteum. Mater, ecce Filius tuus. Miserè tremunt frigidulae manus; undiq; titubabat mollicella caro; tenerè palpitant par- vula cum corculo viscera; toti trepidant infan- tiles artus. Mater ecce filius tuus. Rigidam dexteram tenerrimus experitur; insons tor- mento plectitur; infantulusque quem vixdum habet sanguinem profundit. Itanè sine culpa reus damnati culpam luit? Fateor, ego sum nocens.

nocens. O mi JESU applica precor, vim nominis tui animæ meæ, & innocens ero; munda me recenti hoc sanguine tuo, & super nimium dealbabor, nec amplius te offendam. Amen.

4. Affectus in Occursu Simeonis.

QUot sæculis expectatus, quot signis adumbratus, quot vaticiniis prædictus, quot votis expetitus, quot suspiriis exoptatus, quot denique lachrymis quæsitus, offertur? Sed heu! quanto simul dolore Matris à Simeone audientis: Ecce positus est hic in signum cui contradicetur. Interim, o anima mea, pro te, & tibi offertur, ut tuus, & omni modo tuus. Accede, & postula, ut munus dabitur; admitte, ut depositum tibi credetur; exige, solvetur ut debitum; tolle, cedit ut pignus; immola, tibi erit, ut victima. Nihil moror, nihil trepido, coram te leste hoc munus, immortale depositum, liberale debitum, tutum pignus, nobilem victimam; fidens postulo, fidelis admitto, constans exigo; securus tollo, felix immolo. Tot beneficium vallatus non renuo etiam poni in Signum cui contradicetur. Amen.

5. Affectus

5. Affectus in Fuga in Ægyptum.

Video Herodem Innocentium in cæde grassari, & tu exercituum Domine fugis ? Tu cui jam nomen est : Accelera, spolia detrahare ; festina prædari ? verum alius modò pugnae modus. jam Imperator inermis est, cui sagum panniculi ; balteus fasciæ ; tympana gemitus ; tuba vagitus ; clamor lachrymæ ; tela suspiria ; cui campus Martius stabulum ; currus falcatus præsepe ; sonipedes, asellus, & bucula : cui certare est vinci ; cui stare jacere est, cui denique triumphare, est fugâ sibi consulere. Nova hæc prælia Domini, cui stipendia merere desidero : furori cedere, non optare vindictam ; non ulcisci, quantumvis possim : Non vinci à malo, sed vincere in bono malum ; hostibus vitam servare ; non lædere : omnibus benè velle ; imò de iisdem benè mereri. Amen.

6. Affectus in Amissione Filii.

Christus totus est amor, qui ab aliquo amante nunquam potest admitti. O duo Seraphini MARIA & Joseph, quid, suspiratis ad amorem

morem illum quo estis accensi ? quid Christum quæritis, quem amittere non potestis ? Si Christus Deus est, de eo scribitur : In eo vivimus, movemur, & sumus : Si homo est, & ametur à vobis, de amante quolibet legitur : amans magis est ubi amat, quàm ubi animat : ergo quid quæritis eum, in quo ipsemet toti estis ? Hei mihi ! quoties ego amorem illum malè amisi ; & quod pejus est, amissum quoties non quaesivi ! Surgam, & circuibo civitatem : per vicos, & plateas, quæram eum qui diligit animam meam, & quem anima mea non dilexit. Jam modò diligo eum, & per gratiam possideo eum, & possessum amplius non dimittam. Amen.

7. Affectus in Morte Sponsi.

ANgela mi fidelissime, ait Virgo, mi Sponse virginee, animæ solatium meæ sicne divellimur ? vir desideriorum, vir secundum cor Dei, comes in peregrinationibus ; adjutor in consiliis, levamen in curis, sicne divellimur ? Electe divinitus in custodiam Virginitatis meæ, in caput familiæ, in nutritium Filii sicne divellimur ? Benedictio Filii mei sit super te Sponse mi, Angele mi, dilecte Deo, & hominibus, mi Joseph ! Pro dolor !

dolor ! quid tandem mihi ærumnosæ fiet, dum
cruenta tempestas, in Filium innocentem in-
cumbet ? Quis tum illi, quis mihi te absente,
solatii locus ? Dixit : & flevit. Disce tecum,
quisquis es, amicis etiam intimis carere ; omni
humanâ ope destitui ; soli Deo velut Ancho-
ræ in fluctibus mediis inniti. Hoc volo, ad hoc
totus adnitor. Amen.

8. Affectus in Irrisione Christi.

QUæ participatio justitiæ cum iniquitate ?
aut quæ societas luci ad tenebras ? quæ
autem conventio Christi ad Belial ? Contra Ju-
dæi clamant, Matre licet ingemisciente ; Non-
ne benè dicimus nos, quia Samaritanus es tu,
& dæmonium habes ? O portentum ! Hæc au-
diens ò mi Christe, vel taces, vel benignè re-
spondes ? Quando nam irato cœlo fulmen e-
rumpet, si nunc serenum est ? Verùm ille in-
culcat hoc insuper : Beati estis cum maledixe-
rint vobis homines, & dixerint omne malum
adversum vos. O impotentes animi mei mo-
tus, filete ; jam fræna disce pati insane furor,
ad duella profiliens hic ; Christus mundileges, ac
temeraria jussa condemnat ; sed hoc addit sola-
tium : Gaudere, & exultare, quoniam merces
vestra copiosa est in cœlis. Amen.

9. Affectus in Decollatione Joannis.

QUis desiderio sit modus tam chari capitis? tam dilecti Baptistæ, tam electi Prophetæ & plusquàm Prophetæ? sed & graviora hinc auguror mala. Sponsus sublatus est; Baptista capite minutus est, quid superest, quàm ut vicinam Filius rapiatur ad necem? Fiat ita, Fiat mihi secundum verbum tuum! Hæc secum mœsta virgo. Ad alia me convertens, exclamo: O Regis temerarium iusjurandum! ò matris adulteræ facinus inauditum! ò filiæ saltatricis insana petitio! ò iniqua dissimulatio procerum ista spectantium! ò formidolosa convivium! ò periculosi saltus! Quid dicam ego inter tot peccandi discrimina? Firmabo me hoc veritatis oraculo. A diebus Joannis Baptistæ, Regnum coelorum vim patitur, & violenti rapiunt illud. Amen.

10. Affectus in Præcipitatione Judæorum.

CUR oculi tui fletu madent, ò suavissima? Si isto ex monte Filium dejectum iri scires, rectè quidem. Verùm credis alterius jugæ montis ascensu superanda esse. Hæc ipsa, ait: mearum est causa lachrimarum, & Calvarie
memor,

memor, ad cujuslibet montis aspectum, tota deficio. Quin, & hic civium furor, ejectio Filii ex Synagoga, expulsio ex urbe, raptatio in montem, graviter me affligit. Et ego tecum affligor piissima! Sed ad eundem montem consistens, aliud simul meditor. Tamen si supremum discrimen mihi imminere conspicerem: jam jamque quasi ad supercilium montis ductus essem, agendus in præceps: super sperabo in eum qui olim per medios hostes ivit incolumis. Amen.

II. Affectus in Valedictione euntis crucifigi.

Ubi jam illæ magnificæ Archangeli voces? Ave gratiâ plena, Dominus tecum? Ecce jam immensis plena doloribus. Ecce jam Dominus à te per amplexum amarissimum divellendus. Ubi jam repleta Spiritu Sancto Elisabeth, quæ exclamavit voce magnâ, & dixit: Benedicta tu inter mulieres, & benedictus fructus ventris tui! Nunquid non jam voce majore exclamaret, ærumnosissima tu inter mulieres, & maledictus fructus ventris tui: quia maledictus omnis qui pendebit in ligno? Verùm cum meæ salutis causâ ista sic fiant; terrâ, coeloque audiente, voce magna pronuntio, te milles, & centies milles esse be-

nedictam ò Virgo piissima, Martyrum Regina !
Quinetiam voce majore proclamo, Filium tu-
um infinities mill'ies benedictum, ac benedi-
cendum in æternum, & ultra ! Amen.

12. Affectus in Occursu Filii.

UNde venisti, inquit Mater, dilecte mi, ah !
Unde venisti ? Pro dolor ! à sanguine su-
dore; ab arctis vinculis ; à dura raptatione ; à
crinium vulsione ; à crudeli flagellatione ; ab
horrida coronatione, ad hoc funestæ Crucis
pondus, laceris humeris sustinendum. Et quo-
nam iturus es ? Ad atrociora tormenta ; ad Calva-
riæ culmen ; ad vestitum spoliationem ; ad vulne-
rum innovationem : ad fellis potum ; ad acer-
bissimam fossis manibus, pedibusque lanie-
nam ; ad infame suspendium ; ad novos gemitus,
ad clamorem validum, & lachrymas, & amarissimam mortem. Homo querule, quid
toties quereris ? ubi tuus sudor cruentus ? ubi
catenæ, flagra, spinæ ? ubi felleus potus, clavi,
vulnera, Crux talis ? Tacebo confusus, & tan-
tùm ingeminabo : Deus propitius esto mihi
peccatori. Amen.

13. Affectus in Domini Cru- cifixione.

ECce novum tribunal Judicis vivorum, &
mortuorum, sed jam Rei : Domini omni-
um,

um, sed jam servi; Dei immortalis, sed jam morientis! Parce ò Judex, qui pro me Reus es: Parce, ò Domine qui pro me servus es! Parce Deus, ò qui pro me moreris! O mi Judex, sed simul misericordiarum Pater es. O mi Domine, sed pariter primogenitus Frater es. O mi DEus, sed idem sanguinum Sponsus es. Dicam ego spe erectus, ac plenus, non verebor hoc forum ubi Patris est judicare; ubi Fratris est fidejubere; ubi Sponsi est sententiam dicere. Quid porro? Accrescit fiducia, quia eadem in Curia, mihi patrociniabitur Mater. Ab ipso met Judice id solatium datur, qui non tantum Joanni, sed in ipso dixit & mihi: Ecce Mater tua, Virginem Cruci adstantem mihi in Matrem consignans, Amen.

14. Affectus in Depositione de Cruce.

O Viator stupende Christe JESU, qui ab itineribus æternitatis tuæ, & à summo cœlorum digressus; per vias invias, per montes, & valles, per urbes & oppida, per terras, & maria, animam meam assiduo labore quæсивisti: Recordare JESU pie, quòd sim causa tuæ viæ: Ne me perdas illâ die. Die illâ tremendâ, quando cœli movendi sunt, & terra; quando veneris judicare, noli me condemnare! Quærens me
E 4 sedisti

Sedisti lassus, Redemisti Crucem passus; Tantus labor non sit cassus. Sedisti lassus ad fontem: flexisti lassus in horto: stetisti lassus ad columnam: ivisti lassus ad montem: pependisti lassus in Cruce: jam lassus, imò exanimis in hoc gremio jaces. Ah! tantus labor & dolor, sudor & cruor: tantus amor non sit cassus! Quare eligo prius mori, quàm posthàc te offendere. Amen.

15. Affectus in Sepultura.

Sepeliaris Domine in corde meo: ibi invenies quod quaritur marmor, & marmor novum. Siquidem in tuis, Matrisque doloribus petrae scissae sunt: marmorea sepulchra adaperita sunt; elementa omnia turbata sunt; & cheu! Cor meum novâ suâ duritie mansit immotum! At enim dixisti Domine, auferam cor lapideum, & dabo vobis carneum. Da mihi cor illud carneum, ac facile, ad parcendum inimicis, ad gratificandum amicis, ad opitulandum miseris omnibus. Da cor illud carneum, quod compunctione scindatur, pietate molliatur, minis cedat, flagellis emendetur. Quod sit gratum in beneficiis, fidum in consiliis, benevolum in humanis, reverens in Divinis, circumspectum in omnibus. Da mihi cor illud carneum, quod tuo ac Matris dolore liquefiat, quod utriusque

amore

amore moriatur. Hoc unum volo, ac peto.
Amen.

*Adhortatio Reginae Martyrum
ad suos clientes, ut sibi dolenti
condoleant.*

EJa nunc age, quisquis es, specta mulierem,
naturâ teneram, uberibus lachrymis mer-
sam, & miseresce. Specta Virginem, indole
nobilem, doloris gladio sauciam, & ingemisce.
Specta Matrem amore ebriam, super unigeniti,
& talis unigeniti morte plangentem, & conta-
besce. At fortasse, quænam sit illa Mulier,
quæ Virgo, quæ Mater inquiris? Illa ego Mulier
quæ ærumnis absorpta, sub cruenta Cruce te
genui, Filium doloris mei, de quo sub alterius
nomine dilectus meus: Mulier, ecce Filius tuus!
hoc nomine te designans. Illa ego Virgo, no-
tum miseris asylum, afflictis levamen, Fons
omnis solatii, jam misera, jam afflicta, jam omni
solatio destituta. Illa ego, denique Mater,
flebilis JESU Mater, quæ super unici illius mor-
telamentor; & tali morte, cujus immanitate,
indoluere saxa; & inhorruit terra. Igitur, lu-
gete mecum quotquot estis omnes! Sed ò præ-
reliquis, miseremini mei, miseremini mei, sal-
tem vos amici mei, vos clientes mei, quia ama-

ritudine valdè replevit me Omnipotens. Aspicite iterum, aspicite amaras hasce lachrymas, & cor altissimi doloris mucrone transfixum; Verùm si obdurefcitis homines; si vel maximè vos Clientes, & sodales mei, filii mei, viscera mea, gemituum meorum ne quidem recordamini? tu iterum mecum terra plange, saxa rumpimini: tu denuò cœlum ingemisce, & vos Angeli pacis amarè flete.



OFFICIUM

PARVUM

DE SEPTEM DOLORIBUS

B. V. M A R I Æ.

A D M A T U T I N U M.

Gladius à Simeone prædictus.

Eja mea labia nunc annunciate,
Dolores, & Compassionem Virginis Beatæ.

Domina in adjutorium meum intende.
Domina ad adjuvandum me festina.
Gloria Patri, &c.

Hymnus.

Sepem tuos dolores Maria dum considero,
Tecum pati labores, tecum mori desidero:
Annæ gemit senectus; & Simeon affligitur,
Doloris ense pectus, quando tibi transfigitur.

Vers. Tuam ipsius animam doloris gladius
pertransibit.

Resp

Resp. Ut revelentur ex multis cordibus cogitationes.

Oremus.

Interveniat pro nobis quæsumus Domine JESU Christe, nunc, & in hora mortis nostræ, apud tuam clementiam, B. Virgo MARIA Mater tua, cujus Sacratissimam animam, in hora passionis tuæ doloris gladius pertransivit; per te JESU Christe Salvator Mundi, qui cum Patre & Spiritu Sancto, vivis, & regnas in sæcula sæculorum. Amen.

AD PRIMAM.

Fuga in Ægyptum.

Domina in adjutorium meum intende.
Domina ad adjuvandum me festina.
Gloria Patri, &c.

Hymnus.

Fugis Maria! prolis onusta charo pignore!
Et luminare solis, de nocte vis abscondere,
Ægyptus est asyli locus tuis amoribus,
Juxta fluenta Nili, liquefcis in doloribus.

Versus, Oratio ut supra ad Matutinum.

AD TERTIAM.

Filii Amisio.

Domina in adiutorium meum intende.
Domina ad adjuvandum me festina.
Gloria Patri, &c.

Hymnus.

IN Patris esse rebus, cum nesciebas Filium,
Visa es tribus diebus, pallere sicut Liliū :
Clamans per angustias Filii ! replebas æthera,
Dictura plus ; obortus dolor premebat pe-
ctora.

Versus, & Oratio ut supra.

AD SEXTAM

Occursus Filii cum Cruce.

Domina in adiutorium meum intende.
Domina ad adjuvandum me festina.
Gloria Patri, &c.

Hymnus.

EN fert trabale lignum, flagrisq; Jesus igitur,
O Mater ! ecce signum, cui porro contra-
dicitur :
Eheu !

Eheu ! Crucem ferenti, corpus pluit cruoribus,
Et cor tibi Parenti submergitur doloribus.

Versus, & Oratio ut supra.

AD NONAM.

Adstat Crucifixo.

Domina in adiutorium meum intende.
Domina ad adjuvandum me festina.
Gloria Patri, &c.

Hymnus.

Calvaria est amoris, & est doloris Vinca,
Sunt præla Vinitoris, Clavi, & Corona
 spinea,
Dum fixus est JESUS, Crucisq; calcatur torculum,
Amor dolore læsus, premit Mariæ corculum.

Versus, & Oratio, ut supra.

AD VESPERAS.

Gremio excipit depositum de Cruce.

Domina in adjutorium meum intende.
Domina ad adjuvandum me festina.
Gloria Patri, &c.

Нутрис.

Hymnus.

MARIA quando petra sensu doloris scinditur,
Diesq; nocte tetrâ luget: tibi cor finditur:
Deposta membra ligno, sed membra cassâ lu-
mine

Foves sinu benigno: lavas doloris flumine.

Versus, & Oratio ut supra.

AD COMPLETORIUM.

Planctus ad sepulchrum.

Domina in adjutorium meum intende.
Domina ad adjuvandum me festina.
Gloria Patri, &c.

Hymnus.

Cum Jesu sepulto lapis sepulchro advolvitur,
Tibi Maria multo dolore, vita scinditur:
Sedens ad antra tumbæ, mœsto susurro mur-
muris,
Instar gemis columbæ, & plangis instar tur-
turis.

Versus, & Oratio ut supra.

COMMENDATIO.

OMater, ut dolorum per hanc amaritudinē,
Cœlestium bonorum degustem suavitu-
dinem:

Tecum

Tecum pati dolores, tecum mori desidero,
Septem tuos dolores, dum plango, dum con-
sidero. Amen.


Oratio devotissima.

Domine JESU, per illam amaritudinem,
quam sustinuisti pro me in Cruce, maximè
quando anima tua benedicta egressa est de cor-
pore tuo, miserere animæ meæ in egressu suo,
& perduc eam in vitam æternam.

A M E N.

F I N I S.

Index



Index Paragraphicus.

PRO CRUCE ab æterno electa Affectus erga Deum Patrem : Primus & secundus. Similiter erga Deum Filium : erga Spiritum Sanctum : Totidem quoque erga Sanctissimam Trinitatem. fol. I & seq.

PRO CRUCE perpetua ab Incarnatione.

Affectus Amoris quinque. fol. I o. & seq.
Mysteria Crucis perpetuæ à Nativitate usque
ad Sepulchrum cum suis Typis, Prototypis, & Affectibus.

I 4

Ab æterno Crux electa.

14

Incarnatio.

16

Nativitas.

17

Circumcisio.

19

Oblatio in Templo.

21

Fuga in Ægyptum.

22

Amisio pueri duodennis.

24

Labor fabrilis.

25

Mors

Index.

Mors S. Joseph.	27
Tentatio Diaboli.	29
Fatigatio ad Fontem.	30
Irrisio.	31
Decollatio Baptiste.	33
Lapidatio.	34
Præcipitatio de monte.	36
Valedictio Matris.	37
Ultima cena.	39
Hortus Gethsemani.	41
Osculum Judæ.	42
Torrens Cedron.	44
Annas.	46
Caiphas.	47
Pilatus.	49
Herodes.	50
Flagellatio.	52
Coronatio.	54
Ecce Homo.	55
Bajulatio Crucis.	57
Primus lapsus sub Cruce.	58
Virginis Matris occursum.	60
Simon Cyrenæus.	62

Index.

Veronica.	63
Secundus lapsus ad portam.	65
Filia Jerusalem flentes.	66
Ultimus lapsus.	68
Extractio vestis & fellis oblatio.	69
Humi Crucifigitur.	71
Suspendium in Cruce.	72
Exceptio in sinum Maternum.	74
Sepultura.	76
Pro Sacris Domini Nostri JESU	
Christi Stigmatibus.	
Consideratio ex Ruperto Abbate Tuiciensi.	
Affectus quinque.	78
Pro perpetuo gladio Reginae	
Martyrum.	83
Affectus.	
In Annunciatione.	84
In Nativitate Christi.	84
In Circumcisione.	85
In Occursu Simeonis.	86
In Fuga in Ægyptum.	87
In amissione Filij.	87
In morte Sponsi.	88
	In


Index.


In irrisione Christi.	89
In decollatione Joannis.	90
In præcipitatione Judæorum.	90
In valedictione euntis crucifigi.	91
In Occursu Filij.	92
In Domini Crucifixione.	92
In depositione de Cruce.	93
In Sepultura.	94
Adhortatio Regine Martyrum ad suos cli- entes, ut sibi dolenti condoleant.	95
Officium paruum de Septem doloribus	
B. V. M. Fol.	97



9
8
0
1
2
2
3
4
5
6
7

Stara matka Co,







1000000

Dear friends
and the whole world

10000000

10000000

10000

Biblioteka Jagiellońska



stdr0018786

